



宋史卷四百

列傳第一百五十九

初名王信

汪大猷

袁燮

吳柔勝

游仲鴻

李祥

王介

宋德之

楊大全

王信字誠之處州麗水人既冠入太學登紹興三十年進士第試中教官授建康府學教授丁父憂服除進所著唐太宗論贊及負薪論孝宗覽之嘉歎不已特循兩資授太學博士時須次者例徒外添差溫州教授郡饑疫議遣官振救之父老願得信任其事守不欲以煩信請益力信聞之欣然為行徧至病者家全活不可勝記差敕令所刪定官法令有不合人情自相抵牾吏得以傳會出入者悉釐正之轉對言敵情不可測和議不可恃今日要當先為

自備之策以待可乘之機上以為是又論太學正錄掌規矩之官而員多博士掌訓導之官而員少請以正錄兩員升為博士從之論除官胥冗之敝乞精選監司而擇籍名郡將代半歲乃注人上親以其章授宰臣行權考功郎官蜀人張公遷初八年免銓至是改秩吏妄引言復令柅之信鉤考其故吏備服有三蜀士實礙式吏受賕為地工部尚書趙雄蜀人也以屬信信持弗聽已而轉吏部閱審成牘撫掌愧歎嗟激不已以聞于上它日上謂尚書蔡沈曰考功得王信銓曹遂清邏者私相語指為神明武臣給告不書年齒磨轉蔭薦肆為姦欺不可控搏為擿最者數事告宰相付之大理獄事連三衙殿帥王友直銳爭之上審知其非沮之曰考功所言公事也汝將何為獄具皆伏辜因請置籍以柅後患授軍器少監仍兼考功郎官丁母憂吏哀金殺牲禱神願信服闕無再為

考功既起知永州入奏事畱為將作少監復考功郎官轉軍器少監兼右司郎官升員外郎四方有以疑獄來上者信反復披覽常至夜分升左司員外郎轉對論士大夫趨向之敝居官者逃一時

所不恤獻言者求一時之合而行之可否有辨為能而不為根本之慮謀利者以羨餘為持論尚刻薄而寢失祖宗忠厚之意革敝類

事

國長沙石侯

世武本
墨行

煩碎而不明國家寬大之體因循玩習恬不為怪願酌古之道當時之宜示好惡於取舍之間使天下靡然知鄉而無復為目前苟且之徇又論朝廷有恤民之政而州縣不能行恤民之實近歲不登陛下軫念元元凡水旱州郡租賦或蠲放或倚閣住催然倚閣住催之名可以並緣為擾願明與減放又論豫備三說收逃亡之卒選忠順之官嚴訓練之職又言屯田利害上皆納其說兼玉牒

自備之策以待可乘之機上以爲是又論太學正錄掌規矩之官而員多博士掌訓導之官而員少請以正錄兩員升爲博士從之論除官胥冗之敝乞精選監司而擇籍名郡將代半歲乃注人上親以其章授宰臣行權考功郎官蜀人張公遷初八年免銓至是改秩吏妄引言復令梃之信鈞考其故吏備服有三蜀士實礙式吏受賕爲地工部尚書趙雄蜀人也以屬信信持弗聽已而轉吏部閱審成牘撫掌愧歎嗟激不已以聞于上它日上謂尚書蔡沈曰考功得王信銓曹遂清邏者私相語指爲神明武臣給告不書年齒磨轉蔭薦肆爲姦欺不可控搏爲擿最者數事告宰相付之大理獄事連三衙殿帥王友直銳爭之上審知其非沮之曰考功所言公事也汝將何爲獄具皆伏辜因請置籍以梃後患授軍器少監仍兼考功郎官丁母憂吏哀金殺牲禱神願信服闕無再爲

考功既起知永州入奏事畱爲將作少監復考功郎官轉軍器少監兼右司郎官升員外郎四方有以疑獄來上者信反復披覽常至夜分升左司員外郎轉對論士大夫趨向之敝居官者逃一時之責而後之禍患有所不恤獻言者求一時之合而行之可否有所不計集賢者以趣辨爲能而不爲根本之慮謀利者以羨餘爲事而不究源流之實持論尙刻薄而寢失祖宗忠厚之意革敝類煩碎而不明國家寬大之體因循玩習恬不爲怪願酌古之道當時之宜示好惡於取舍之間使天下靡然知鄉而無復爲目前苟且之徇又論朝廷有恤民之政而州縣不能行恤民之實近歲不登陛下軫念元元凡水旱州郡租賦或蠲放或倚閣住催然倚閣住催之名可以並緣爲擾願明與減放又論豫備三說收逃亡之卒選忠順之官嚴訓練之職又言屯田利害上皆納其說兼玉牒

所檢討官提領戶部酒庫久之上諭信曰知朕意否行用卿慮書生不長於財賦故以命卿果能副朕所委爲中書門下檢正諸房文字遷太常少卿兼權中書舍人假禮部尚書使于金肄射都亭連中其的金人賊曰尚書得非黑王相公子孫耶謂王德用也信得米芾書法金人寶之歸言金人必衰之兆有四在我當備之策有二上首肩之太史奏仲秋日月五星會于軫信言休咎之徵史策不同然五星聚者有之未聞七政共集也分野在楚願思所以順天而應之因條上七事又言陛下卽位之初經營中原之志甚銳然功之所以未立者正以所用之人不一其人不一故其論不一其論不一故其心不一願豫求至當之論使歸於一鎖闥封駁而右府所下不關中書或斜封捷出左於公論統領官奴事內侍坐謫遠州幸蒙赦還而遽復故職潛藩恩舊之隸徒權酷官而齒

朝士老禁校僂冀節鉞詭計可得之而奉稍恩典與正不異閣門多溢額祇候妃嬪進封而冒指它姓爲甥姪旣一一塗歸有雖書讀而徐核其不當者續爭救之上曰事有不可不問者第言之朕無有不爲卿行者於是益抗志不回宦者甘昇旣逐遠之矣屬高宗崩用治喪事人莫敢言昇俄提舉德壽宮信亟執奏舉朝皆悚翰林學士洪邁適入上語之曰王給事論甘昇事甚當朕特白太上皇后聖訓以爲今一宮之事異於向時非我老人所能任小黃門空多類不習事獨昇可任責分吾憂渠今已歸居室尙不能有益敢蹈故態以是駁疏不欲行卿見王給事可道此意信聞之乃止信遇事剛果論奏不避權要繇此人多嫉之信亦力求去提舉崇福宮詔求言信條十事以獻其目曰法戒輕變令貴必行寬州郡以養民力脩軍政以待機會郡當分其緩急縣當別其劇易嚴

銅錢之禁廣積聚之備處歸附之人收逃亡之卒起知湖州信未涉州縣據按剖析敏如流泉擢集英殿脩撰知紹興府浙東安撫使奏免逋官錢十四萬絹七萬匹絲十萬五千兩米二千萬斛山陰境有狹狽湖四環皆田歲苦潦信創啓斗門導停瀦注之海築十一壩化匯浸爲上腴民繪象以祠更其名曰王公湖築漁浦隄禁民不舉子買學田立義冢眾職脩理加煥章閣待制徙知鄂州改池州初信扶其父喪歸自金陵草履徒行雖疾風甚雨弗避也由是得寒溼疾及聞孝宗遺詔悲傷過甚疾復作至是寢劇上章請老以通議大夫致仕有星隕于其居光如炬不及地數尺而散數日信卒遺訓其子以忠孝公廉所著有是齋集行世

汪大猷字仲嘉慶元府鄞縣人紹興七年以父恩補官授衢州江山縣尉曉暢吏事登十五年進士第授婺州金華縣丞爭財者諭

以長幼之禮悅服而退李椿年行經界法約束嚴甚檄大猷覆視龍遊縣大猷請不實者得自陳毋遽加罪改建德遷知崑山縣丁父憂免喪差總領淮西江東錢糧幹官改幹辦行在諸司糧料院參知政事錢端禮宣諭淮東辟幹辦公事充參議官遷大宗丞兼吏部郎官又兼戶部右曹入對言總覈名實責任臣下因才而任毋違所長量能授官毋拘流品孝宗顧謂左右曰疏通詳雅而善議論有用之才也除禮部員外郎丞相洪适薦兼吏部侍郎仍遷主管左選莊文太子初建東宮兼太子左諭德侍講兩日一講孟子多寓規戒太子嘗出龍大淵禁中所進侍燕樂章諭宮僚同賦大猷曰鄭衛之音近習爲倡非講讀官所當預白于太子而止遷祕書少監脩五禮會要金人來賀假吏部尙書爲接伴使尋兼權刑部侍郎又兼崇政殿說書又兼給事中孝宗清燕每訪政事嘗

曰朕每厭宦官女子之言思與卿等款語欲知朝政闕失民情利病苟有所聞可極論之大猷遂陳耆長雇直隸總經制司並緣法意使里正兼催科之役厲民爲甚又論亭戶未嘗煮鹽居近場監貨錢射利隱寄田產害及編氓宜取二等以上充役又論賜田勦戚豪奪相先陵輟州縣惟當賜金使自求之又論沒入貲產止可行於疆盜賊吏至於倉庫綱運之負陷者惟當卽其業收租以償既足則給還使復故業轉對言捕酒之害及居官者不得鑄銅爲器上嘉獎曰卿前後所言皆今日可行之事權刑部侍郎升侍講言有司卒用新制棄舊法輕重舛牾無所遵承使舞文之吏時出以售其姦請明詔編纂書成上進上大悅尙書周執羔韓元吉樞密劉琪以強盜率不處死無所懲艾右司林栗謂太祖朝強盜賊滿三貫死無首從不問殺傷景祐增五貫固從寬今設六項法非手刃人例奏裁黥配何所徵艾請從舊法賊滿三貫者斬大猷曰此吾職也遂具奏曰疆盜烏可恕用舊法而痛懲之固可也天聖以來益用中典寢失禁姦之意今所議六項法犯者以法行之非此而但取財惟再犯者死可謂寬嚴適中若皆寘之死地未必能禁其爲盜盜知必死將甘心於事主矣望稍開其生路乃奏用六項法則死者十七人用見行法則十四人舊法則百七十人俱死遂從大猷議借吏部尙書爲賀金國正旦使至盱眙得印榜云疆盜止用舊法罷六項法還朝自劾求去上聞之復行六項法改權吏部侍郎兼權尙書夜傳旨學士院出唐沈旣濟論選舉事曰今日有此敝可行與否詰旦當面對卽奏事與今異敝雖似之言則難行上曰卿言甚明旣郊差充鹵簿使以言去授敷文閣待制提舉太平興國宮起知泉州毗舍邪嘗掠海濱居民歲遣戍防之勞

費不貲大猷作屋二百區遣將留屯久之戍兵以真臘大賈爲毗舍邪犯境大猷曰毗舍邪面目黑如漆語言不通此豈毗舍邪耶遂遣之故事蕃商與人爭鬪非傷折罪皆以牛贖大猷曰安有中
國用島夷俗者苟在吾境當用吾法三佛齊請鑄銅瓦三萬詔泉廣二州守臣督造付之大猷奏法銅不下海中國方禁銷銅柰何爲其所役卒不與進敷文閣直學士留知泉州踰年提舉太平興國宮改知隆興府江西安撫使以大暑討禾山洞寇不利自劾降龍圖閣待制落職南康軍居住提舉太平興國宮復龍圖閣待制提舉上清太平宮復敷文閣待制升學士沒贈二官大猷與丞相史浩同里又同年進士未嘗附麗以干進浩深歎美之好周施敘宗族外族爲興仁錄率鄉人爲義莊二十餘畝以爲倡眾皆欣勸所著有適齋存藁備忘訓鑒等書

袁燮字和叔慶元府鄞縣人而端粹專靜乳媪置槃水其前玩視終日夜卧常醒然少長讀東都黨錮傳慨然以名節自期入太學登進士第調江陰尉浙西大饑常平使羅點屬任振恤燮命每保畫一圖田疇山水道路悉載之而以居民分布其間凡名數治業悉書之合保爲都合都爲鄉合鄉爲縣征發爭訟追胥披圖可立決以此爲荒政首除沿海制屬連丁家艱寧宗卽位以太學正召時朱熹諸儒相次去國丞相趙汝愚罷燮亦以論去自是黨禁興矣久之爲浙東帥幕福建常平屬沿海參議嘉定初召主宗正簿樞密院編脩官權考功郎官太常丞知江州改提舉江西常平權知隆興召爲都官郎官遷司封因對言陛下卽位之初委任賢相正士鱗集而竊威權者從旁睨之彭龜年逆知其必亂天下顯言其姦龜年以罪而去權臣遂根據幾危社稷陛下追思龜年蓋

嘗臨朝太息曰斯人猶在必大用之固已深知龜年之忠矣今正人端士不乏願陛下常存此心急聞剴切崇獎朴直一龜年雖沒眾龜年繼進天下何憂不治臣昨勸陛下勤於好問而聖訓有曰問則明臣退與朝士言之莫不稱善而側聽十旬陛下之端拱淵默猶昔也臣竊惑焉夫既知如是而明則當知反是而闇明則輝光旁燭無所不通闇則是非得失懵然不辨矣遷國子司業祕書少監進祭酒祕書監延見諸生必迪以反躬切己忠信篤實是為道本聞者悚然有得士氣益振兼崇正殿說書除禮部侍郎兼侍讀時史彌遠主和變爭益力臺論劾變罷之以寶文閣待制提舉鴻慶宮起知溫州進直學士奉祠以卒變初入太學陸九齡為學錄同里沈煥楊簡舒璘亦皆在學以道義相切磨後見九齡之弟九淵發明本心之指乃師事焉每言人心與天地一本精思以得之兢業以守之則與天地相似學者稱之曰潔齋先生後諡正獻子甫自有傳

吳柔勝字勝之宣州人幼聽其父講伊洛書已知有持敬之學不妄言笑長游郡泮人皆憚其方嚴登淳熙八年進士第調都昌簿丞相趙汝愚知其賢差嘉興府學教授將寘之館閣會汝愚去御史湯碩劾柔勝嘗救荒浙右擅放田租為汝愚收人心且主朱熹之學不可為師儒官自是閒居十餘年嘉定初主管刑工部架閣文字遷國子正柔勝始以朱熹四書與諸生誦習講義策問皆以是為先又於生徒中得潘時舉呂喬年白于長擢為職事使以文行表率於是士知趨向伊洛之學晦而復明遷太學博士又遷司農寺丞出知隨州時再議和好尤戒開邊隙旁塞之民事與北界相涉不問法輕重皆殺之郡民梁臯有馬為北人所盜追之急北

人以矢拒梟與其徒亦發二矢北界以爲言郡下七人于獄柔
勝至立破械縱之其始末報北界而已收土豪孟宗政扈再興隸
帳下後宗政再興皆爲名將築隨州及棗陽城招四方亡命得千
人立軍曰忠勇廩以總所闕額營柵器械悉備除京西提刑領州
如故改湖北運判兼知鄂州甫至值歲歉卽乞糴于湖廣大講荒
政十五州被災之民全活者不可勝計改知太平州除直祕閣主
管亳州明道宮改直華文閣除工部郎中力辭除祕閣脩撰依舊
宮觀以卒諡正肅二子淵潛俱登進士各有傳

游仲鴻字子正果之南充人淳熙二年進士第初調犍爲簿李昌
圖總蜀賦碎糴買官奇其才曰吾董餉積年惟得一士昌圖召入
首薦之擢四川制置司幹辦公事制置使趙汝愚一見卽知敬之
敘州董蠻犯犍爲境憲將合兵討之仲鴻請行詰其弊端以州負

馬直也乃使人諭蠻曰歸俘則還馬直不然大兵至矣蠻聽命仲
鴻受其降而歸改秩知中江縣總領楊輔檄置幕下時關外營田
凡萬四千頃畝僅輸七升仲鴻建議請以兵之當汰者授之田存
赤籍遲以數年汰者眾耕者多則橫斂一切之賦可次第以減輔
然之大將吳挺沮而止趙汝愚移帥閩舉仲鴻自代制置使京鏗
轉運劉光祖亦交薦于朝紹熙四年赴召趙汝愚在樞密謂仲鴻
直諒多聞訪以蜀中利病汝愚欲親出經略西事仲鴻曰宥密之
地幹旋者易公獨不聞呂申公經略西事當在朝廷之語乎汝愚
悟而止差幹辦諸司糧料院光宗以疾久不朝重華宮仲鴻遺汝
愚書陳宗社大計書有伊周霍光語汝愚讀之駭立焚之不答又
遺書曰大臣事君之道苟利社稷死生以之旣不死曷不去汝愚
又不答孝宗崩仲鴻泣謂汝愚曰今惟有率百官哭殿庭以請親

臨宰相留正以病去仲鴻亟簡汝愚曰禪日不決禍必起矣汝愚又不荅後三日嘉王卽位于重華宮汝愚既拜右丞相以仲鴻久游其門辟嫌不用初汝愚之定策也知閣韓侂胄頗有勞望節鉞汝愚不與侂胄方居中用事恚甚汝愚迹已危方益自嚴重選人求見者例不許仲鴻勸以降意容接覬覦異論而汝愚以淮東西總賦積弊奏遣仲鴻覈實仲鴻曰丞相之勢已孤不憂此而顧憂彼耶改監登聞鼓院以行會侍講朱熹以論事去國仲鴻聞之卽上疏曰陛下宅憂之時御批數出不由中書前日宰相留正之去去之不以禮諫官黃度之去去之不以正近臣朱熹之去復去之不以道自古未有舍宰相諫官講官而能自爲聰明者也願亟還熹毋使小人得志以養成禍亂監察御史胡紘希侂胄意誣汝愚久蓄邪心嘗語人以乘龍授鼎之夢又謂朝士中有推其宗派以爲裔出楚王元佐正統所在者指仲鴻也初欲直書仲鴻名同臺張孝伯見之曰書其名則竄之矣凡阿附宰相本冀官爵此人沈埋六院且二年心迹可察卒不書其名慶元元年汝愚罷相仲鴻遷軍器監主簿力丐外除知洋州朱熹聞其出曰信蜀士之多奇也越三年起知嘉定府擢利路轉運判官數忤宣撫副使吳曦曦言仲鴻老病朝命易它部未幾曦叛宣撫司幕官薛紱訪仲鴻於果山仲鴻對之泣指案上一編書示紱曰開禧丁卯正月游某死謂家人曰曦逼吾死卽填其日時宣撫大使程松已棄其師遁仲鴻以書勸成都帥楊輔討賊輔不能用至是松至果仲鴻謂紱曰宣威肯畱則吾以積奉二萬緡犒兵護宣威之成都松不顧而去總賦劉崇之繼至仲鴻遣其子侶往見以告松者告之崇之復不聽未幾曦誅參政李璧奏除利路提點刑獄尋乞休致予祠而歸

遷中奉大夫嘉定八年卒年七十八劉光祖表其隧道曰於乎慶元黨人游公之墓紹定五年諡曰忠子侶清祐五年爲右丞相各有傳

李祥字元德常州無錫人隆興元年進士爲錢塘縣主簿時姚憲尹臨安俾攝錄參邏者以巧發爲能每事下有司必監視鍛鍊囚服乃已嘗誣告一武臣子謗朝政鞫于獄祥不使邏者入門旣而所告無實具以白尹尹驚曰上命無實乎祥曰卽坐譴自甘憲具論如祥意上駭曰朕幾誤矣卿吾爭臣也遂賜憲出身爲諫大夫祥調濠州錄事參軍安豐守臣冒占民田訟屢攻而不決監司委祥卒歸之民未幾其人易守濠以嫌換司理廬州守出改官奏畱之不可主管戶部架閣文字太學博士國子博士司農寺丞樞密院編脩官兼刑部郎官太宗正丞軍器少監言忝朝蹟八年在外

賢才不勝願更出送入由臣始提舉淮東常平茶鹽淮西運判兩淮鐵錢比不定祥疏乞旨賜錢米銷濫惡者廢定城與國漢陽監更鑄紹熙新錢從之淮人以安遷國子司業宗正少卿國子祭酒丞相趙汝愚以言去國祥上疏爭之曰頃壽皇崩兩宮隔絕中外洶洶畱正棄印亡去國命如髮汝愚不畏滅族決策立陛下風塵不搖天下復安社稷之臣也奈何無念功至意忽體貌常典使精忠巨節佛鬱黯闇何以示後世除直龍圖閣湖南運副言者劾罷之於是太學諸生楊宏中周端朝等六人上書畱之俱得罪主冲佑觀再請老以直龍圖閣致仕嘉泰元年八月卒諡肅簡王介字元石婺州金華人從朱熹呂祖謙遊登紹熙元年進士第廷對陳時弊大略言近者罷拾遺補闕有遠諫之意小人唱爲朋黨有厭薄道學之名上嘉其直擢居第三人簽書昭慶軍節度判

官廳公事除爲國子錄上疏言壽皇親挈神器授之陛下孝敬豈可久闕乎又言婦事舅姑如事父母不可虧宮中之禮不報孝宗崩介又力請上過宮執喪累疏言辭激切人歎其忠寧宗卽位介上疏言陛下卽位未三月策免宰相遷易臺諫悉出內批非治世事也崇寧大觀間事出御批遂成北狩之禍杜衍爲相常積內降十數封還今宰相不敢封納臺諫不敢彈奏此豈可久之道遷太學博士時韓侂胄居中潛弄威福之柄猶未肆也而文墨論議之士陰附之以希進於是始無所憚矣侂胄始疑介前封事詆己且其弟仰胄嘗以舊識求自通介拒絕之侂胄怨益深添差通判紹興府尋知邵武軍會學禁起諫大夫姚愈劾介與袁燮皆僞學之黨且附會前相汝愚主管台州崇道觀久之差知廣德軍侂胄之隸人蘇師旦忿介不通謁目爲僞黨併及甲寅廷對之語以告侂胄有勸其自明者介曰吾髮已種種豈爲鼠輩所使邪侂胄亦畏公議不敢發以外艱去免喪知饒州未赴召爲祕書郎遷度支郎官師旦已建節介與同列謁政府遇之於庭客皆踰階而揖介不顧於是殿中侍御史徐榘劾介資淺立異奉祠除都大坑治侂胄誅朝廷更化介召還除侍左郎官兼右司太子舍人改兵部郎官國子司業太子侍講兼國史院編脩官實錄院檢討官除國子祭酒會以不雨詔百官指陳闕失時宰相史彌遠以母喪起復介手疏歷論時政推本洪範僭恆暘若之證謂羅日愿爲變是下人謀上也脩好增幣而金人猶觖望是夷人亂華也內批數出是左右干政也諫官無故出外是小人間君子也皆謂之僭一僭已足以致天變而況兼有之哉又言漢法天地降災策免丞相乞令彌遠終喪擇公正無私者置左右王呂蔡秦之覆轍可以爲戒接送伴

金國賀生辰使還奏故來兩國通廟諱御名而本朝止通御名高宗至光宗皆傳名而不傳諱紹熙初黃裳嘗以爲言而未及釐正願正典禮以尊宗廟除祕書監陞太子右諭德其在春宮篤意輔導每遇講讀因事規諫太子嘗欲索館中圖畫卻而弗與及張燈設樂則諫止之且乞選配故家以正始絕令旨以杜請謁官僚分日上直以資見聞遷宗正少卿兼權中書舍人繳駁不避權貴張允濟以閤職爲州鈐介謂此小事而用權臣例破祖宗制不可不封還詞頭丞相語介曰此中宮意介曰宰相而逢宮禁意向給舍而奉宰相風旨朝廷紀綱掃地矣居數日除起居舍人介奏宰相以私請不行而托威福於宮禁權且下移誰敢以忠告陛下者乞歸老不許言本朝循唐人閤之制左右史不立前殿若御後殿則立朵殿下何所聞見而脩起居注乎乞依歐陽脩王存胡銓所請

分立殿士吏部侍郎許奕以言事去國介奏曰陛下更化三年而言事官去者五人倪思傅伯成旣去其後蔡幼學鄒應龍相繼而出今許奕復蹈前轍此五臣者四爲給事一爲諫大夫兩年之間盡聽其去或謂此皆宰相意自古未有大臣因給舍論事而去之者是大臣誤陛下也將恐成孤立之勢疏奏乞補外以右文殿脩撰知嘉興府歲餘升集英殿脩撰知襄陽府京西安撫使徙知慶元府兼沿海制置使以疾奉祠嘉定六年八月卒年五十六端平請于朝特贈中大夫寶章閣待制諡忠簡子埜

事

散板抄不誤

元京兆人隋諫大夫遠謫彭山子孫散居於蜀以應舉擢慶元二年外省第一爲山南道掌書記召除國子正遷武學博士與諸生論八陣之象本乎八卦皆動

金國賀生辰使還奏故家兩國通廟諱御名而本朝止通御名高宗至光宗皆傳名而不傳諱紹熙初黃裳嘗以爲言而未及釐正願正典禮以尊宗廟除祕書監陞太子右諭德其在春宮篤意輔導每遇講讀因事規諫太子嘗欲索館中圖書卻而弗與及張燈設樂則諫止之且乞選配故家以正始絕令旨以杜請謁官僚分日上直以資見聞遷宗正少卿兼權中書舍人繳駁不避權貴張允濟以閣職爲州鈐介謂此小事而用權臣例破祖宗制不可不封還詞頭丞相語介曰此中宮意介曰宰相而逢宮禁意向給舍而奉宰相風旨朝廷紀綱掃地矣居數日除起居舍人介奏宰相以私請不行而托威福於宮禁權且下移誰敢以忠告陛下者乞歸老不許言本朝循唐入閣之制左右史不立前殿若御後殿則立朵殿下何所聞見而脩起居注乎乞依歐陽脩王存胡銓所請分立殿士吏部侍郎許奕以言事去國介奏曰陛下更化三年而言事官去者五人倪思傅伯成旣去其後蔡幼學鄒應龍相繼而出今許奕復蹈前轍此五臣者四爲給事一爲諫大夫兩年之間盡聽其去或謂此皆宰相意自古未有大臣因給舍論事而去之者是大臣誤陛下也將恐成孤立之勢疏奏乞補外以右文殿脩撰知嘉興府歲餘升集英殿脩撰知襄陽府京西安撫使徙知慶元府兼沿海制置使以疾奉祠嘉定六年八月卒年五十六端平三年郡守趙汝談請于朝特贈中大夫寶章閣待制謚忠簡子埜自有傳

宋德之字正仲其先京兆人隋諫大夫遠謫彭山子孫散居於蜀遂爲蜀州人德之以應舉擢慶元二年外省第一爲山南道掌書記召除國子正遷武學博士與諸生論八陣之象本乎八卦皆動

物也奇正之變往來相生而不窮知此然後可以致勝遷編脩樞
密院時兵燹有萌會赤眚見太陰犯權星未浹日內北門鴟尾災
延及三省六部詔求言德之奏離爲火爲日爲甲冑坎爲水爲月
爲盜爲隱伏故火失其性赤氣見憂在甲兵水失其性太陰失度
憂在隱伏因疏七事皆當今至切之患乃曰人火小變不足慮天
象之變臣竊危之他日又曰今敵未動而輕變祖宗舊制命武臣
帥邊以自遺患晉叛將唐藩鎮之禍基於此矣時吳曦在西陲皇
甫斌在襄漢郭倪李爽在兩淮德之預以爲慮除太常丞出知閬
州會曦變託跌足以避僞事平始赴閬擢本路提點刑獄制帥安
丙奏德之傲視君命不俟代者之來徑用觀察使印領事詔降一
官改潼川路轉運判官湖南路提刑改湖北召爲兵部郎官朝論
有疑安丙意丞相史彌遠首以問德之德之對曰蜀無安丙朝廷

無蜀矣人有大功實不敢以私嫌廢公議忤時相意遂罷安丙深
感德之嘗謂人曰丙不知正仲正仲知丙丙負正仲正仲不負丙
請昏於德之不許論者益稱德之之賢起知眉州監特奏名試得
疾而卒德之大父耕性剛介一朝棄官去莫知所終從父廉語德
之曰吾昔至臨安府有人言蜀有宋宣教者過浙江而去吾適越
求之則入四明矣德之渡浙江尋訪至雪竇有蜀僧言聞諸耆老
云山後有爛平山有三居士焉其一宋宣教也德之躋攀至爛平
見丹竈置祠其上而歸
楊大全字渾甫眉之青神人乾道八年進士調溫江尉攝邑有政
聲紹熙三年召除監登聞鼓院五年光宗以疾久不克省重華宮
廷臣多論諫者太學生汪安仁等二百餘人上書而龔日章等百
餘人以投匭上書爲緩必欲伏闕大全謂院以登聞名寔明目達

聽之地也。今乃使人視爲具文，吾何顏以尸此職？乃爲書以諫。力請過宮書上，不報。大全於是三上疏，其略曰：臣之志於憂君者，不畏義死不榮，幸生不以言而獲罪爲恥，而以言不聽從爲恥。自古諫之不效，其大者身膏斧鑕，其次亦流竄四裔，其小者猶罷免終身。未有若今日不勉於聽從，亦不加於黜逐，徒餌之以無所譴呵之恩，使皆饜富貴甘豢養，以消磨其風節。平居皆貪祿懷姦之士，則臨難必無仗節死義之人。陛下自夏秋以來，執政從官之死者，皆不信卒之果然乎？不然乎？建康趙濟死，武興吳挺死，今尚不以爲然。則事有幾微於朕兆者，可諫陛下乎？萬一變起蕭牆，禍生肘腋，陛下必將以爲不信，坐受其危亡矣。盜滿山東，而高斯弄權，二世不知也；蠻寇成都，而更奏捷，明皇不知也。此猶左右聾瞶爾。今在朝之士，瀝忠以告，而陛下不聽，是陛下自壅蔽其聰明也。今外間傳聞以爲壽皇將幸越，幸吳興，此愛陛下之深，欲泯其迹也。陛下當亟圖所以解壽皇之憂，疏入又不報。寧宗卽位，遷宗正寺主簿。慶元元年，易太常寺主簿，遷司農寺丞。脩高宗實錄，充檢討官。先是韓侂胄用事，私臺諫之選，爲己羽翼，且欲得知名士，借其望以壓羣言。一時之好進者，恨不預此選也。會御史虛位，有力薦大全者，屬大全一往見，且曰：公朝見，除目夕下矣。大全笑謝，決不往。明日遂丐外。時實錄將上矣，上必推恩大全去，不少待。於是除知金州，至姑蘇以病卒。

論曰：王信有文學，通政事。汪大猷敦厚老成，袁燮學有所本。吳柔勝游仲鴻，名在僞學。觀李詳訟趙汝愚，公論藉是以立。王介、楊大全直道而行，宋德之其知兵者歟。

金百餘萬計宋徽宗之其政與治也

初徽宗欲以金帛募兵於外則以國公命諸臣以立王公與大

備曰王前自文舉而劉事王六州文舉亦好其意與王夜本吳王

金剛至故燕以歸卒

即日遣司馬判官韓琦以文舉國大金去不也亦效其命

金帛募兵大金一出其山日公傳人劉目以不與大金與地為

國劉事王一備以故燕以歸卒

金帛募兵大金一出其山日公傳人劉目以不與大金與地為

國劉事王一備以故燕以歸卒

金帛募兵大金一出其山日公傳人劉目以不與大金與地為

宋史卷四百一終

宋史卷四百一

列傳第一百六十一

辛棄疾

何異

劉宰

劉燾

柴中行 李孟傳

辛棄疾字幼安齊之歷城人少師蔡伯堅與党懷英同學號辛党始筮仕決以著懷英遇坎因留事金棄疾得離遂決意南歸金主亮灰中原豪傑並起耿京聚兵山東稱天平節度使節制山東河北忠義軍馬棄疾為掌書記即勸京決策南向僧義端者喜談兵棄疾間與之遊及在京軍中義端亦聚眾千餘說下之使隸京義端一夕竊印以逃京大怒欲殺棄疾棄疾曰勾我三日期不獲就死未晚揣僧必以虛實奔告金帥急追獲之義端曰我識君真相乃青兕也力能殺人幸勿殺我棄疾斬其首歸報京益壯之紹興

三十二年京令棄疾奉表歸宋高宗勞師建康召見嘉納之授承
務郎天平節度掌書記併以節使印告召京會張安國邵進已殺
京降金棄疾還至海州與眾謀曰我緣主帥來歸朝不期事變何
以復命乃約統制王世隆及忠義人馬全福等徑趨金營安國方
與金將酣飲即眾中縛之以歸金將追之不及獻俘行在斬安國
於市仍授前官改差江陰僉判棄疾時年二十三乾道四年通判
建康府六年孝宗召對延和殿時虞允文當國帝銳意恢復棄疾
因論南北形勢及三國晉漢人才持論勁直不爲迎合作九議并
應問三篇美芹十論獻于朝言逆順之理消長之勢技之長短地
之要害甚備以講和方定議不行遷司農寺主簿出知滁州州罹
兵燼井邑凋殘棄疾寬征薄賦招流散教民兵議屯田乃勸莫枕
樓繁雄館辟江東安撫司參議官留守葉衡雅重之衡入相力薦
棄疾慷慨有大略召見遷倉部郎官提點江西刑獄平劇盜賴文
政有功加祕閣脩撰調京西轉運判官差知江陵府兼湖北安撫
遷知隆興府兼江西安撫以太理少卿召出爲湖北轉運副使改
湖南尋知潭州兼湖南安撫盜連起湖湘棄疾悉討平之遂奏疏
曰今朝廷清明比年李全賴文政陳子明李峒相繼竊發皆能一
呼嘯聚千百殺掠吏民亦且不顧至煩大兵翦滅良由州以趣辦
財賦爲急更有殘民害物之狀而州不敢問縣以竝緣科斂爲急
吏有殘民害物之狀而縣不敢問田野之民郡以聚斂害之縣以
科率害之吏以乞取害之豪民以兼并害之盜賊以剽奪害之民
不爲盜去將安之夫民爲國本而貪吏迫使爲盜今年勦除明年
剗邊譬之木焉日刻月削不損則折欲望陛下深思致盜之由講
求弭盜之術無徒恃平盜之兵申飭州縣以惠養元元爲意有違

法貪冒者使諸司各揚其職無徒按舉小吏以應故事自爲文過之地詔獎諭之又以湖南控帶二廣與溪峒蠻獠接連草竊間作豈惟風俗頑悍抑武備空虛所致乃復奏疏曰軍政之敝統率不一差出占破略無已時軍人則利於優閑窠坐奔走公門苟圖衣食以故教閱廢弛逃亾者不追冒名者不舉平居則姦民無所忌憚緩急則卒伍不堪征行至調大軍千里討捕勝負未決傷威損重爲害非細乞依廣東摧鋒荆南神勁福建左翼例別勅一軍以湖南飛虎爲名止撥屬三牙密院專聽帥臣節制調度庶使夷獠知有軍威望風懾服詔委以規畫迺度馬般營壘故基起蓋砦柵招步軍二千人馬軍五百人僉人在外戰馬鐵甲皆備先以緡錢五萬以廣西買馬五百匹詔廣西安撫司歲帶買三千匹時樞府有不樂之者數阻撓之棄疾行愈力卒不能奪經度費鉅萬計棄

棄善幹旋事皆立辦議者以聚斂開降御前金字牌俾日下住罷棄疾受而藏之出責監辦者期一月飛虎營柵成違坐軍制如期落成開陳本末繪圖繳進上遂釋然時秋霖幾月所司言造瓦不易問須瓦幾何曰二十萬棄疾曰勿憂令廂官自官舍神祠外應居民家取溝墜瓦二不二日皆具僚屬歎伏軍成雄鎮一方爲江上諸軍之冠嘉右文殿脩撰差知隆興府兼江西安撫時江右大饑詔任責荒政始至榜通衢曰閉糴者配彊糴者斬次令盡出公家官錢銀器召官吏儒生商賈市民各舉有幹實者量借錢物逮其責領運糴不取子錢期終月至城下發糴於是連檣而至其直自減民賴以濟時信守謝源明乞米求助幕屬不從棄疾曰均爲赤子皆王民也卽以米舟十之王子信帝嘉之進一秩以言者落職久之主管沖佑觀紹熙二年起福建提點刑獄召見遷大理少

卿加集英殿脩撰知福州兼福建安撫使棄疾爲憲時嘗攝帥每
歎曰福州前枕大海爲賊之淵土四郡民頑獷易亂帥臣空竭急
緩柰何至是務爲鎮靜末期歲積鏹至五十萬緡勝曰備安庫謂
閩中土狹民稠歲儉則糴于廣今幸連稔宗室及軍人入倉請米
出卽糴之候秋賈賤以備安錢糴二萬石則有備無患矣又欲造
萬鎡招強壯補軍額嚴訓練則盜賊可以無虞事未行臺臣王蘭
劾其用錢如泥沙殺人如草芥且夕望端坐闕下遂丐祠歸慶
元元年落職四年復主管冲佑觀久之起知紹興府兼浙東安撫
使四年盜宗召見言鹽法加實謨閣待制提舉佑神觀奉朝請尋
差知鎮江府賜金帶坐繆舉降朝散大夫提舉冲佑觀差知紹興
府兩浙東路安撫使辭免進寶文閣待制又進龍圖閣知江陵府
合赴行在奏事試兵部侍郎辭免進樞密都承旨未受命而卒賜
對衣金帶守龍圖閣待制致仕特贈四官棄疾豪爽尙氣節識拔
英俊所交多海內知名士嘗跋紹興問詔書曰使此詔出於紹興
之前可以無事讐之大耻使此詔行於隆興之後可以卒不世之
大功今此詔與讐敵俱存也悲夫人服其警切帥長沙時士人或
懇考試官濫取第十七名春秋卷棄疾察之信然索亞勝春秋卷
兩易之啟名則趙鼎也棄疾怒曰佐國元勳忠簡一人胡爲又一
趙鼎擲之地次閱禮記卷棄疾曰觀其議論必豪傑士也此不可
失啟之乃趙方也嘗謂人生在勤當以力田爲先北方之人養生
之具不求於人是以無甚富甚貧之家南方多末作以病農而兼
并之患興貧富斯不侔矣故以稼名軒爲大理卿時同僚吳交如
歿無棺斂棄疾歎曰身爲列卿而貧若此是廉介之士也旣厚賻
之復言于執政詔賜銀絹棄疾嘗同朱熹遊武夷山賦九曲權歌

熹書克己復禮夙興夜寐題其二齋室熹歿偽學禁方嚴門生故
舊至無送葬者棄疾爲文往哭之曰所不朽者垂萬世名孰謂公
外凜凜猶生棄疾雅善長短句悲壯激烈有稼軒集行世紹定六
年贈光祿大夫咸淳間史館校勘謝枋得過棄疾墓旁僧舍有疾
聲大呼于堂上若鳴其不平自昏暮至三鼓不絕聲枋得秉燭作
文旦且祭之文成而聲始息德祐初枋得請于朝加贈少師謚忠
敏

何異字同叔撫州崇仁人紹興二十四年進士調石城主簿歷兩
任知萍鄉縣丞相周必大參政留正以院轄擬異孝宗問有無列
薦正等以萍鄉政績對迺遷國子監主簿遷丞轉對所言帝喜之
曰君臣一體初不在事形迹有所見問於銀臺司繳奏擢監察御
史異奏與丞相留正舊同官不敢供職御札不許引嫌遂拜命遷

右正言時光宗愆于定省異入疏諫不報約臺官聯名言姦人離
間父子當明正典刑語極峻又不報旬外授湖南轉運判官偶攝
帥事長蠻侵擾邵陽異募山下捕首亂者請來矢以眾來降尋爲
浙西提點刑獄以太常少卿召改祕書監兼實錄院檢討官權禮
部侍郎太常寺太廟芝草生韓侂胄率百官觀焉異謂其色白瘡
生兵妖侂胄不悅又以劉光祖於異交密言者遂以異在言路不
彈丞相留正及受趙汝愚薦劾罷之久乃予祠起知夔州兼本路
安撫異以夔民土狹食少同轉運司糴米椿積立循環通濟倉七
月丙戌西北有星白莖墜地其聲如雷異曰戌日酉時火土交會
而妖星自東南衝西北化爲天狗蜀其將有兵乎旬祠以寶謨閣
待制提舉太平興國宮後四年吳曦果叛起知潭州乞閑予祠者
再嘉定元年召爲刑部侍郎五月不雨異上封事言近日號令或

從中出而執政不得與聞其事臺諫不得盡行其言陛下聞念饑民藥病殞死還荒僻嶠安得實惠多方稱提不如縮造楮幣阜通商米不如稍寬關市之征明年權工部尙書告老抗章言近臣求去類成虛文中外相觀指爲禮數無以爲風俗廉恥之勸以寶章閣直學士知泉州從所乞予祠進寶章閣學士轉一官致仕卒年八十有一異高自標致有詩名所著月湖詩集行世

劉宰字平國金壇人既冠入鄉校卓然不苟於去就取舍紹熙元年舉進士調江陵尉江陵巫風爲盛宰下令保伍互相糾察往往改業爲農歲旱帥守命振荒邑境多所全活有持妖術號真武法穿雲子寶華主者皆禁絕之書其座右曰毋輕出文引毋輕事筆楚緣事出郊與吏卒同蔬食水飲去官惟篋藏中簿趙師秀酬唱詩而已調真州司法詔仕者非僞學不讀周禮頤等書才得

考試宰喟然曰平生所學者何首可斷此狀不可得卒弗與授泰輿令有殺人獄具請禱于叢祠以殺一人刃忽三躍乃殺三人是神實教我也爲請之州毀其廟斬首以徇鄰邑有租牛縣境者租戶於主有連姻因喪會竊券而逃他日主之子征其租則曰牛鬻久矣子累年訟于官無券可質官又以異縣置不問至是愬于宰宰曰牛失十載安得一旦復之迺召二勾者勞而語之故託以它事繫獄鞫之勾者自詭盜牛以賣遣詣其所驗視租戶曰吾牛因某氏所租勾者辭益力因出券示之相持以來盜券者憮然爲歸牛與租富室以金釵惟二僕婦在置之有司咸以爲冤命各持一蘆曰非盜釵者詰朝蘆當自若果盜則長於今二寸明旦視之一自若一去其蘆二寸矣卽訊之果伏其罪有姑愬婦不養者二召二婦并姑置一室或餉其婦而不及姑徐伺之一婦每以已餽饋

姑姑猶呵之其一反之如是累日遂得其情父喪免至京韓侂胄
方謀用兵宰啟鄧友龍薛叔似極言輕挑兵端爲國深害迄如其
言爲浙東倉司幹官職事脩舉亟引去默觀時變頓不樂仕尋告
歸監南岳廟江淮制置使黃度辟之入幕宰辭曰君命召不往今
矧可出耶嘉定四年堂審召命且再下不至時相亦屢諷執政從
官貽書挽宰宰峻辭以絕俄題考功曆示決不復仕理宗初卽位
以爲籍田令屢辭改添差通判建康府又辭乞致仕乃以直秘閣
主管仙都觀拜改秩子祠之命辭秘閣不允端平元年升直寶謨
閣祠如故且盡還磨勘歲月未幾遷太常丞郡守以朝命趣行不
得已勉就道至吳門拜疏徑歸一時譽望收召略盡所不能致者
宰與崔與之耳帝側席以問侍御史王遂且俾宣撫遷將作少監
又以直敷文閣知監國府皆不拜進直顯謨閣主管玉局觀帝猶
冀宰一來也召奏事訖不爲起尋卒鄉人罷市走送袂相屬者五
十里人人如哭其私親宰剛大正直明敏仁恕施惠鄉邦其烈實
多置義倉創義役三爲粥以與饑者自冬徂夏日食凡萬餘人薪
粟衣纊藥餌棺衾之類靡謁不獲某無田可耕某無廬可居某之
子女長矣而未婚嫁皆汲汲經理如己責任其責橋有病涉路有
險阻雖巨役必捐貲先倡而程其事宰生理素薄見義必爲旣竭
其力藉質貸以繼之無倦若定折麥錢額更縣斗斛如制毀淫祠
八十四所凡可以白于有司利於鄉人者無不爲也宰隱居三十
年平生無嗜好惟書靡所不讀旣竭日力猶坐以待雖博考訓注
而自得之爲貴有漫塘文集語錄行世

劉燾字晦伯建陽人與弟韜仲受學于朱熹呂祖謙乾道八年舉
進士調山陽主簿燾正版權吏不容姦調饒州錄事通判黃奕將

以事汗燻而已自以賊抵罪去都大坑冶耿某閔遺骸暴露議用
浮屠法葬之水火燻貽書曰使死者有知禍亦慘矣請擇高阜爲
叢冢以葬調連城令罷添給錢及綱運例錢免上供銀錢及綱本
二稅甲葉鈔鹽軍期米等錢大脩學校乞行經界改知閩縣治以
清簡庭無滯訟興利去害知無不爲差通判潭州未上丁父憂僞
學禁興燻從熹武夷山講道讀書怡然自適築雲莊山房爲終老
隱居之計調贛州坑冶局主管文字差知德慶府大脩學校奏便
民五事又奏罷兩縣無名租錢糾集武勇民兵入奏言前者北伐
之役執事者不度事勢貽陛下憂今雖從和議願益恐懼脩省必
開言路以廣忠益必振公道以進人才必飭邊備以防敵患提舉
廣東常平令守臣歲以一半易薪春末支及冬復償存其半以備
緩急逋欠亭戶錢十萬轉運司五萬燻以公使公用二庫贏錢補
之奏義倉之敝客丁錢之敝小官奉給之敝舉留守令之敝吏商
之敝召入奏事首論公道明則人心自一朝廷自尊雖危可安也
公道廢則人心自二朝廷自輕雖安易危也帝嘉獎遷尙左郎官
請節內外冗費以收楮幣轉對言願於經筵講讀大臣奏對反復
問難以求義理之當否與政事之得失則聖學進而治道隆矣乞
收拾人才及脩明軍政遷浙西提點刑獄巡按不避寒暑多所平
反有殺人而匿權家者吏弗敢捕燻竟獲之遷國子司業言於丞
相史彌遠請以熹所著論語中庸大學孟子之說以備勸講正君
定國慰天下學士大夫之心奏言宋興六經微旨孔孟遺言發明
於千載之後以事父則孝以事君則忠而世之所謂道學也慶元
以來權佞當國惡人議己指道爲僞屏其人禁其書學者無所依
鄉義利不明趨向汚下人欲橫流廉恥日喪追惟前日禁絕道學

之事不得不任其咎望其既仕之後職業脩名節立不可得也乞
罷偽學之詔息邪說正人心宗社之福又請以熹白鹿洞規頒示
太學取熹四書集註刊行之又言浙西根本之地宜詔長吏監司
禁戢強暴撫柔善良務儲積以備凶荒禁科斂以紓民力兼國史
院編脩官實錄院檢討官接伴金使于盱眙軍還言兩淮之地瀋
蔽江南干戈盜賊之後宜加經理必於招集流散之中就爲足食
足兵之計臣觀淮東其地平博膏腴有陂澤水泉之利而荒蕪實
多其民勁悍勇敢習邊鄙戰鬪之事而安集者少誠能經畫郊野
招集散亡約頃畝以授田使毋廣占拋荒之患列溝洫以儲水且
備戎馬馳突之虞爲之具田器貸種糧相其險易聚爲室廬使相
保護聯以什伍教以擊刺使相糾率或鄉爲一團里爲一隊建其
長立其副平居則耕有警則守有餘力則戰帝嘉納之進國子祭
酒兼侍立脩注官論貢舉五敝兼權兵部侍郎改兼權刑部侍郎
封建陽縣開國男賜食邑權刑部侍郎兼國子祭酒兼太子左諭
德升同修國史實錄院同修撰時廷臣爭務容默有論事稍切者
眾輒指以爲異爚奏願明詔大臣崇獎忠謹以作士氣深戒諛佞
以肅具僚乞擇州縣獄官冬雷上恐懼爚奏遴選監司以考察貪
吏爲先訪求民瘼有澤未下流令未便民者悉以實上變而通之
則民心悅而天意解矣又請擇沿邊諸將兼工部侍郎奏乞使沿
邊之民各自什伍教閱于鄉有急則相救援無事則耕稼自若軍
政隱然寓於田里之間此非止一時之利也請城沿邊州郡罷遣
賀正使試刑部侍郎兼職依舊賜對衣金帶辭不允兩請致仕不
允奏絕金人歲幣建制置司於歷陽以援兩淮夏旱應詔上封事
曰言語方壅而導之使言人心方鬱而疏之使通上既開不諱之

門下必有盡言之士指陳政事之闕失明言朝廷之是非或者以爲好名要譽而陛下聽之則苦言之藥至而實陛下棄之而不恤矣甘言之疾華言之腴陛下受之而不覺矣乞罷瑞慶聖節謝絕金使進封子爵權工部尚書賜衣帶鞍馬兼太子右庶子仍兼左諭德每講讀至經史所陳聲色嗜欲之戒輒懇切再三敷陳之進讀詩之說詹事戴溪讀之爲之吐舌卒贈光祿大夫官其後賜諡文簡所著有奏議史藁經筵故事東宮詩解禮記解講堂故事雲莊外稟

柴中行字與之餘壬人紹熙元年進士授撫州軍事推官權臣韓侂胄禁道學校文轉運司移檄令自言非僞學中行奮筆曰自幼讀程頤書以收科策如以爲僞不願考校調江州學教授母喪免廣西轉運司辟爲幹官帥將薦之使其答嘗中行中行正色曰身爲大帥而稱人爲恩主恩相心竊恥之毋汙我攝昭州郡事蠲丁錢減苗斛賑饑羸轉運司委中行代行部由桂林屬邑歷柳象賓入邕管問民疾苦先行而後聞捐鹽息以惠遠民嘉定初差主管尚書吏部架閣文字遷太學正升博士轉對首論主威奪而國勢輕次論士大夫寡廉隅乏骨鯁宜養天下剛毅果敢之氣末論權臣用事包苴成風今舊習猶在宜舉行先朝痛繩賊吏之法謂太學風化首童子科覆試胄子舍選有挾勢者中行力言于長守法無秋毫私遷太常主簿轉軍器監丞出知光州嚴係伍精閱習增闢屯田城濠營砦器械糗糧百爾具備治行爲淮右最又條畫極邊次邊緩急事宜上之朝廷大槩謂邊兵宜如蛇勢首尾相應草寇合兵大入則鄰道援之分兵輕襲則鄰郡援之援兵旣多雖危不敗又言淮襄土豪丁壯往者用兵傾貲效力者朝廷吝賞失植

宜亟加收拾亦可激昂得其死力遷西京轉運使兼提點刑獄中
行謂襄陽乃自古必爭之地備禦尤宜周密時任邊寄者政令煩
苛日夜與民爭利中行諷之不聽天方旱盡捐酒稅斥征官隸務
吏甘澍隨至官取鹽鈔贏過重課日增入中日寡鈔日塞中行揭
示通衢一錢不增商買大集改直祕閣知襄陽兼京西帥仍領漕
事江陵戎司移屯襄州兵政久弛中行白于朝考覈軍實舊額二
萬二千人存者纔半亟招補虛籍自是朝廷以節制之權歸帥司
重劾李琪不法以懲貪守明扈再興有功以厲宿將上關朝廷下
關制閩遷江東轉運司判官旋改湖南提點刑獄豪家習殺人或
收養凶命橫行江湖一繩以法華亭令貪虐法從交疏薦之中行
笑曰此欲斷吾按章也卒發其辜入爲吏部郎官以立志啟迪君
心言好進好同好欺士大夫風俗三敝選曹法大壞吏緣爲姦中
行遇事持正不爲勢屈由是銓綜平允擢宗正少卿上疏謂陛下
初政則以剛德立治本更化則以剛德除權姦今者顧乃垂拱仰
成安於無爲夫剛德實人主之大權不可以久出而不收覆轍在
前良可鑒也又曰朝廷用人外示涵洪而陰掩其迹內用牢籠而
微見其機觀聽雖美實無以大服天下之心曩者更化元氣復挽
回矣此年欲求安靜頗厭人言於是臣下納說非觀望則希合非
回緩則畏避而面折廷諍之風未之多見此任事大臣之責也兼
國史編脩實錄檢討孟春大雨震雷霜雹交作邊烽告急至失地
喪師淮甸震洶中行亟奏內外二失朝廷十憂大要言今日之事
人主盡委天下以任一相一相盡以天下謀之三數腹心而舉朝
之士相視以目噤不敢言甚至邊庭申請久不卽報脫有闕誤咎
當誰執調秘書監崇政殿說書極論往年以道學爲僞學者欲加

遠竄杜絕言語使忠義士箝口結舌天下之氣豈堪再沮壞如此耶又謂欲結人心莫若去貪吏欲去貪吏莫若清朝廷大臣法則小臣廉在高位者以身率下則州縣小吏何恃而敢為又論內治外患辨君子小人夫略謂執政侍從臺諫給舍之選與三衙京尹之除皆朝廷大綱所在故其人必出人主之親擢則權不下移今或私謁或請見或數月之前先定或舉朝之人不識附會者進爭為妾婦之道則天下國家之利害安危非惟已不敢言亦且併絕人言矣大臣為附會之說所誤邊境之臣實遁者掩以為誣真怯者譽以為勇金帛滿前是非交亂以欺廟堂以欺陛下願明詔大臣絕私意布公道進祕閣脩撰知贛州治盜有方境內清肅勾祠得請以言罷理宗即位以右文殿脩撰主管南京鴻慶宮賜金帶卒所著有易繫集傳書集傳詩講義論語童蒙說

李孟傳字文授資政殿學士光季子也光謫嶺海孟傳才六歲奉母居鄉刻志于學賀允中徐度皆奇之而曾幾妻以其孫龍大淵黜為浙東總管知孟傳為名門子解后必就語孟傳正色辭之幹辦江東提刑司易浙東常平司母喪免調江山縣丞棄去監南岳廟行在編估局未上改楚州司戶參軍單車赴官公退閉戶讀易郡守部使者不敢待以屬吏徐積墓在境內蕪沒既久加葺之脩復陳公塘有灌溉之利知象山縣守薦為邑最從官多合薦之主管官告院與同列上封事請詣北宮又移書宰相遷將作監主簿丞相趙汝愚初當國適大禋遣孟傳按視江池鄂三大軍所屯積粟道除太府丞既復命汝愚去國黨論起而孟傳奉使無失指面對言此以使事往返四千里所過民生困窮衣食不贍國之安危以民為本今根本既虛形勢俱見係邦之慮宜勤聖念時韓侂胄

洪武本
傳作傳
以字文授
傳字為
今日原
傳

連逐留正及汝愚太府簿吳璣與侂胄有連姻因言臺諫將論朱
熹孟傅奮然曰如此則士大夫爭之鼎鑊且不避兼考功郎復因
對言國家長育人才猶天地之於植物滋液滲漉待其既成而後
足以供大厦之用今士大夫皆有苟進之心治功未優功能尙薄
而意以馳騫於臺閣不稍有以扶持正飭之其敝將甚又言武舉
及軍士比試專取其力臨敵難以必勝唐世取人由步射弓弩以
至馬射各以其中之多寡爲等級竄取行之韓侂胄與孟傅故
嘗致侂胄意孟傅謝曰行年六十去意已決侂胄慙而退請外知
江州獄訟止息侂胄不悅勾歸復知處州遷廣西提點刑獄改江
東提舉常平移福建詔入對首論用人宜先氣節後才能益招徠
忠讜以扶正論故人有在政府者折簡問勞動甚孟傅逆知其意
卽謝曰孤蹤久不造朝獲一望清光而去幸矣對畢卽出關至閩
大饑發廩勸分民無流孳侂胄誅就遷提點刑獄移江東又辭承
相史彌遠其親故也人謂進用其時矣卒歸使節角巾還第再奉
祠以倉部郎召又辭遷浙東提點刑獄未數月申前請章再上加
直祕閣移江東不赴主管明道宮進直寶謨閣致仕卒年八十四
常誠其子孫曰安身莫若無競脩己莫若自保守道則福至求祿
則辱來有磬溪集宏詞類彙左氏說續史襍志記善記異等書行
世

論曰古之君子出處不齊同歸于是而已辛棄疾知大義而歸宋
何異篤實君子而切諫光宗朝重華宮柴中行寧不校臨川之試
終不可自言非程頤偽學劉燭表章朱熹四書以備勸講衛道之
功莫大焉李孟傅所立不愧其父至於劉宰飄然遠引屢徵不起
所謂鴻飛冥冥者耶

宋史卷四百一
陳敏 張詒 畢再遇 安丙
陳敏字元功，贛之石城人。父皓，有才武。建炎末，以破贛賊李仁功，補官至承信郎。敏身長六尺餘，精騎射，積官至忠靖郎。以楊存中薦，擢閤門祗候。時閩地多寇，殿司兵往戍，率不習水土，至是始募三千兵置左翼軍，以敏為統制。漳州駐劄，敏按諸郡要害，凡十有三處，悉分兵扼之。盜發，輒獲。贛州齊述據城叛，嘯聚數萬，將棄城南寇。敏聞之，曰：「贛兵精勁，善走嶮，若朝廷發兵未至，萬一奔衝江湖，閩廣騷動矣。」不俟命，領所部馳七日，徑抵贛，圍其城。踰月，朝廷命李耕以諸路兵至，破之。累功授右武大夫，封武功縣男，領興州。

宋史卷四百一

列傳第一百六十一

陳敏

張詒

畢再遇

安丙

楊巨源 李好義

陳敏字元功，贛之石城人。父皓，有才武。建炎末，以破贛賊李仁功，補官至承信郎。敏身長六尺餘，精騎射，積官至忠靖郎。以楊存中薦，擢閤門祗候。時閩地多寇，殿司兵往戍，率不習水土，至是始募三千兵置左翼軍，以敏為統制。漳州駐劄，敏按諸郡要害，凡十有三處，悉分兵扼之。盜發，輒獲。贛州齊述據城叛，嘯聚數萬，將棄城南寇。敏聞之，曰：「贛兵精勁，善走嶮，若朝廷發兵未至，萬一奔衝江湖，閩廣騷動矣。」不俟命，領所部馳七日，徑抵贛，圍其城。踰月，朝廷命李耕以諸路兵至，破之。累功授右武大夫，封武功縣男，領興州。

命李耕以諸路兵至，破之。累功授右武大夫，封武功縣男，領興州。

刺史召赴闕高宗見其狀貌魁岸除破敵軍統制尋丁母憂詔起復以所部駐太平州紹興三十一年金主亮來攻成閔爲京湖路招討使以敏軍隸之升馬司統制軍于荆漢閔敏說閔曰金人精騎悉在淮汴都必無守備若由陳蔡徑擣大梁潰其腹心此救江淮之術也不聽從閔還駐廣陵時金兵尙未渡淮敏又說閔邀其歸師復不聽敏遂移疾歸姑孰孝宗卽位張浚宣撫江淮奏敏爲神勁軍統制浚視師改都督府武鋒軍都統制朝廷遣李顯忠北伐浚欲以敏偕行敏曰盛夏興師非時且金人重兵皆在大梁我客彼主勝負之勢先形矣願少緩浚不聽令敏屯盱眙顯忠至符離果失律敏遂入泗州守之金人議和詔敏退守滁陽敏請於朝謂滁非受敵之所改戍高郵兼知軍事與金人戰射陽湖敗之焚其舟追至浦城復敗之乾道元年遷宣州觀察使召除主管侍衛步軍司公事居歲餘敏抗章曰久任周廬無以效鷹犬况敵情多詐和不足恃今兩淮無備臣乞以故部之兵再戍高郵仍請更築其城乃落常階除光州觀察使分武鋒爲四軍升敏爲都統制兼知高郵軍事仍賜築城屯田之費敏至郡板築高厚皆增舊制自寶應至高郵按其舊作石礎十二所自是運河通泄無衝突患四年北界人侍旺叛于漣水軍密款本朝稱結約山東十二州豪傑起義以復中原上以問敏敏曰旺欲假吾國威以行劫爾必不能成事願勿聽適屯田統領官與旺交通旺敗金有間言上知非敏罪乃召敏爲左驍衛上將軍言事者議欲戍守清河口敏言金兵每出清河必遣人馬先自上流潛渡今欲必守其地宜先修楚州城池蓋楚州爲南北襟喉彼此必爭之地長淮二千餘里河道通北方者五清汴渦潁蔡是也通南方以入江者惟楚州運河耳北

人舟艦自五河而下將謀渡江非得楚州運河無緣自達昔周世宗自楚州北神堰鑿老鵝河通戰艦以入大江南唐遂失兩淮之地由此言之楚州實爲兩朝司命願朝廷留意及是再出守高郵乃詔與楚州守臣左祐同城楚州祐卒遂移守楚州北使過者觀其雉堞堅新號銀鑄城以歸正人二百家逃歸降授忠州團練使罷爲福建路總管改江西路總管贛州駐劄月餘朝廷命往福州揀軍又命還豫章教閱江西團結諸郡人馬俄提舉佑神觀仍奉朝請繼復蘄州防禦使再除武鋒軍都統制兼知楚州復光州觀察使以疾卒特贈慶遠軍承宣使

張詔字君卿成州人少隸張俊帳下積功守和州嘗被旨介聘一日金人持所繪祐獻二陵像至館中皆北地服詔向之再拜館者問之答曰詔雖不識其人但龍鳳之姿天日之表疑非北朝祖宗也敢不拜孝宗聞而喜之由是驟用紹熙五年除興州都統制兼知興州代吳玘慶元二年趙彥逾帥蜀以關外去興元遠緩急恐失事機復請分東西爲二帥詔遂兼西路安撫司公事先是趙汝愚爲從官時每奏吳氏世掌蜀兵非國家之利請以張詔代領武興之軍蓋汝愚之意欲以吳曦爲文臣帥以杜他日握兵之漸而未及行也汝愚旣知樞密院力辭不拜白於光宗曰若武興朝除帥則臣夕拜命上許之乃以詔爲成州團練使興州諸軍都統制詔在興州甚得士心六年卒郭杲代之

畢再遇字德卿兗州人也父進建炎間從岳飛護衛八陵轉戰江淮間積階至武義大夫再遇以恩補官隸侍衛馬司武藝絕人挽弓至二石七斗背挽一石八斗步射二石馬射一石五斗孝宗召見大悅賜戰袍金錢開禧二年下詔北伐以殿帥郭倪招撫山東

京東遣再遇與統制陳孝慶取泗州再遇請遷新刺敢死軍爲前
鋒倪以八十七人付之招撫司剋日進兵金人聞之閉榷場塞城
門爲備再遇曰敵已知吾濟師之日矣兵以奇勝當先一日出其
不意孝慶從之再遇饗士卒激以忠義進兵薄泗州泗有東西兩
城再遇令陳戈旗舟楫於石匣下如欲攻西城者乃自以麾下兵
從陡山徑趨東城南角先登殺敵數百金人大潰守城者開北門
遁西城猶堅守再遇立大將旗呼曰大宋畢將軍在此爾等中原
遺民也可速降旋有淮平知縣縋城而下乞降於是兩城皆定郭
倪來饗士出御寶刺史牙牌授再遇辭曰國家河南八十有一州
今下泗兩城卽得一刺史繼此何以賞之且招撫得朝廷幾牙牌
來固辭不受尋除環衛官倪調李汝翼郭倬取宿州復遣孝慶等
繼之命再遇以四百八十騎爲先鋒取徐州至虹遇郭李兵裹創
旋問之則曰宿州城下大水我師不利統制田俊邁已爲敵禽矣
再遇督兵疾趨次靈壁遇孝慶駐兵于鳳凰山將引還再遇曰宿
州雖不捷然兵家勝負不常豈宜遽自挫吾奉招撫命取徐州假
道於此盍歿靈壁北門外不歿南門外也會倪以書抵孝慶令班
師再遇曰郭李軍潰賊必追躡吾當自禦之金果以五千餘騎分
兩道來再遇令敢歿二十人守靈壁北門自領兵衝敵陣金人見
其騎呼曰畢將軍來也遂遁再遇手揮雙刀絕水追擊殺敵甚眾
甲裳盡赤逐北三十里金將有持雙鐵簡躍馬而前再遇以左刀
格其簡右刀斫其脇金將墮馬歿諸軍發靈壁再遇獨聞未動度
軍行三十餘里乃火靈壁諸將問夜不火火今日何也再遇曰夜
則照見虛實晝則煙埃莫覩彼已敗不敢追諸軍乃可安行無虞
汝輩安知兵易進而難退邪還泗州以功第一自武節郎超授武

功大夫除左驍衛將軍。於是邱密代鄧友龍爲宣撫使。檄倪還維揚，尋棄泗州。命再遇還。盱眙遂知盱眙軍，尋改鎮江中軍統制兼守如故。以鳳凰山功授達州刺史。其冬，金人以騎步數萬戰船五百餘艘渡淮，泊楚州淮陰間。宣撫司檄再遇援楚，遣段政、張貴代之。再遇旣去，盱眙政等驚潰。金人入盱眙，再遇復定盱眙。除鎮江副都統制，金兵七萬在楚州城下，三千守淮陰糧。又載糧三千艘泊大清河，再遇諜知之，曰：敵眾十倍，難以力勝，可計破也。乃遣統領許俊間道趨淮陰，夜二鼓銜枚至敵營，各攜火潛入伏糧車間。五十餘所聞哨聲，舉火敵驚擾奔竄，生禽鳥古倫帥勒蒲察元奴等二十三人。金人復自黃狗灘渡淮，渦口戍將望風遁。濠滁相繼失守，又破安豐。再遇謂諸將曰：楚城堅，兵多，敵糧草已空，所慮獨淮西耳。六合最要害，彼必并力攻之。乃引兵赴六合，尋命節制淮東軍馬。金人至竹鎮，距六合二十五里，再遇登城偃旗鼓，伏兵南土門，列弩手土城上。敵方臨濠，眾弩俱發，宋師出戰，聞鼓聲，城上旗幟竝舉，金人驚遁，追擊大敗之。金萬戶完顏蒲辣都千戶泥龐古等以十萬騎駐成家橋，馬鞍山進兵圍城數重，欲燒壩木決壕。水再遇令勁弩射退之。旣而紇石烈都統合兵進攻，益急。城中矢盡，再遇令人張青蓋往來城上，金人意其主兵官也，爭射之。須臾矢集樓牆如蝟，獲矢二十餘萬。紇石烈引兵退，已乃益增兵環城四面，營帳互三十里。再遇令臨門作樂以示閑暇，而間出奇兵擊之。敵晝夜不得休，乃引退。再遇料其且復來，乃自提兵奪城東野新橋，出敵之背。金人遂遁去，追至滁。大雨雪，乃旋獲騾馬一千五百三十一，鞍六百，衣甲旗幟稱是。授忠州團練使。三年，除鎮江都統制兼權山東京東招撫司事，還至揚州。除驍衛大將軍，金圍楚

州已三月列屯六十餘里再遇遣將分道撓擊軍聲大振楚圍解兼知揚州淮東安撫使揚州有北軍二千五百人再遇請分隸建康鎮江軍每隊不過數人使不得爲變更造輕甲長不過膝披不過肘兜鍪亦殺重爲輕馬甲易以皮車牌易以木而設轉軸其下使一人之力可推可擎務便捷不使重遲敢歿一軍本身合亡命再遇能駕馭得其用陳世雄許俊等皆再遇所薦張健雄恃勇桀驁再遇狀其罪于朝命以軍法戮之諸將懾服嘉定元年除左驍衛上將軍和好成累疏乞歸田里賜詔不允除係康軍承宣使降詔獎諭尋令帶職奏事提舉佑神觀六年提舉太平興國宮十年以武信軍節度使致仕卒年七十贈太尉累贈太師謚忠毅再遇姿貌雄傑早以拳力聞屬時寢兵無所自見一日邊事起諸將望風奔軔再遇威聲始著遂爲名將云

安丙字子文廣安人淳熙間進士調大足縣主簿秩滿詣闕陳蜀利病十五事言皆剴切丁外艱服除辟利西安撫司幹辦公事調曲水丞吳挺爲帥知其才邀致之改秩知新繁縣丁內艱服除知小溪縣通判隆慶府嘉泰三年郡大水丙白守張鼎發常平粟振之尋又鑿石徙溪白是無水患知大安軍歲旱民艱食丙以家財卽下流糴米數萬石以振事聞詔加一秩開禧二年邊事方興程松爲四川宣撫使吳曦副之丙陳十可憂於松繼而松開府漢中道三泉夜延丙議丙又爲松言曦必誤國松不省蓋丙嘗爲其父客素知曦旣而曦奏丙爲隨軍轉運司居河池時梁洋義士方襲取和尚原旋爲金人所奪守將棄甲而走十一月戊子金人攻湫池堡破天水繇西河入成州師潰曦置不問金人肆掠關外四州如踐虛邑軍民莫知歿所曦已潛遣其客姚淮源交金人至是曦

還興州劉丙魚關已而檄還武興十二月丙寅金人持其詔及金印至置口曦密受之宣言使者欲得四州以和馳書諷松去癸酉曦受金詔稱蜀王勝諭四川二年正月甲午曦僭號建官稱臣於金以其月爲元年改興州爲興德府以丙爲中大夫丞相長史權行都省事先是從事郎錢鞏之從曦在河池嘗夢曦禱神祠以銀杯爲琰擲之神起立謂曦曰公何疑公何疑後政事已分付安子文矣曦未省神又曰安子文有木足能辦此鞏之覺心異其事具以語曦事旣熾丙不得脫度徒死無益陽與而陰圖之遂與楊巨源李好義等謀誅曦語見巨源好義傳徐景望在利州逐土人擅財賦丙遣弟煥往約諸將相與拊定及景望伏誅軍民無敢譁者於是傳檄諸道按堵如故曦僭位凡四十一日三月戊寅陳曦所以反及矯制平賊便空賞功狀自劾待梟首級違制法物與曦所受金人詔印及所匿庚牌附驛朝廷初聞變莫知所爲韓侂胄與曦書亦謂嗣頒茅土之封亟召知鎮江府宇文紹節問之紹節曰安丙非附逆者必能討賊於是密降帛書曰安丙素推才具有志事功今聞曦謀不軌爾爲所脅諒以凶焰方張恐重爲蜀禍故權且從之爾豈一日忘君父者如能圖曦報國以明本心卽當不次推賞雖二府之崇亦無所吝更宜審度機便務在成事以副委屬之意帛書未至露布已聞上下動色交慶辛丑加丙端明殿學士中大夫知興州安撫使兼四川宣撫副使詔獎諭恩數視執政如帛書旨也時都統孫忠銳由鳳州進攻大散關不克統領強德等出奇道由松林堡破金砦四月癸丑克之忠銳貪功吝財賞罰迷繆大失軍心且速還鳳州以關鑰付庸將陳顯癸酉大散關復陷巨源自請收復丙遣朱邦靈佐之丙深惡忠銳檄赴司議事

欲廢之巨源至鳳斬忠銳及其子揆丙遂以忠銳附偽進表之舉聞于朝先是以誅曦功巨源補朝奉郎與通判差遣巨源遣其親校傅檜愬功于朝語見巨源傳於是丙拜疏勾聞至是金人揭示境上得丙首者與銀絹二萬匹兩即授四川宣撫時方議和丙獨戒飭將士恫疑虛喝以攻爲守威聲甚著詔以蜀平遣吳玠撫諭四川時沿邊關隘悉爲金毀丙遺時相書謂西和一面已脩仇池聚糧積芻使軍民可守若敵至則堅壁不戰彼欲攻則不可欲越則不敢若西和可守成州之境自不敢犯成州黑谷南谷亦皆頗重兵天水雖不可守距天水十里所見創白環堡與西和相爲掎角又增堡雞頭山咸以民卒守之及修黃牛堡築興趙原屯千餘人鳳州秋防原尤爲險絕紹興初州治于此宣撫吳玠嘗作家計砦前即馬嶺堡正扼鳳州之後凡此數堡旣堅金人決不敢近而河池殺金平魚關皆大軍屯聚其他徑路雖關之裏如大安亦陰招民卒授以器械爲掩擊之備矣又云見於關表廣結義士月給以糧俾各係田廬墳墓逮事定則係之尺籍而勸之耕庶可經久以丙所見直爲守計則精選五萬人亦爲有餘好義守西和謂四州兵後民不聊生請蠲租以惠創夷丙請于朝又以沔州都統司所統十軍權太重故自吳璘至挺曦皆有尾大不掉之憂乃請分置副都統制各不相隸以前右中左後五軍隸都統司踏白摧鋒選鋒策鋒遊變五軍隸副司詔皆從之時方信孺使還金人和意未決且欲得首議興師之人侂冑大怒上手書賜丙謂金人必再至當激勵將士戮力赴功侂冑旣誅賜丙金器百二十兩細幣二十匹進資政殿學士和議成還大散隔牙關丙分遣僚吏經量洋沔興元大安民田別定租稅右丞相史彌遠起復丙移書曰昔仁

宗起復富鄭公文潞公孝宗起復蔣丞相皆力辭名教所係人言
可畏望閣下速辭成命以息議者之口論者躋之升太學士四川
制置大使兼知興元府謀知金人遷汴關輔豪傑款塞願降者眾
丙以爲此正再閔告晉之時乃與宰臣書謂當興問罪之師朝論
憂丙輕舉乃詔丙益修守備七年春丙使所愛吏安蕃何九齡合
官軍夜襲秦州敗歸王大才執九齡等七人斬之而訟丙于朝三
月詔丙同知樞密院事兼太子賓客賜手書召之行次廣德軍進
觀文殿學士知潭州湖廣安撫使至官留意學校請于太常勅大
成樂而政尙嚴酷轉運判官章袞劾丙不報御史李安行併袞劾
之袞罷丙授崇信軍節度使開府儀同三司萬壽觀使遣閣門舍
人問人璵錫命賜旗節金印衣帶鞍馬三辭還蜀董居諒帥蜀大
失士心金人乘之破赤丹黃牛堡入武休關直擣梁澤至大安未
師所至輒潰散入巴山十二年子述代之時丙之子癸仲知果
州子述卽檄兼參議官四月紅巾賊張福莫簡叛入利州子述遁
去總領財賦楊九鼎與賊遇走匿民舍賊追九鼎殺之子述退保
劔門檄癸仲兼節制軍馬任討賊之責癸仲召我帥張威等軍來
會賊自閬趨遂寧所過無不殘滅丙欲自持十萬緡借子述往益
昌募士子述曰大臣非得上旨未可輕出丙遂如果州時四川大
震甚於曦之變張方首奏勦望如丙今猶可用魏了翁移書宰執
謂安丙不起則賊未卽平蜀未可定雖賊亦曰須安相公作宣撫
事乃定耳李壁李夔時竝鎮潼遂亦皆以國事勉丙五月乙未丙
至果州是日賊焚蓬溪縣己酉詔起丙爲四川宣撫使子便宜尋
降制授保寧軍節度使兼知興元府利東安撫使丙奏臣不辭老
以報國但事不任怨難以圖成將恐騰謗交攻使臣獨抱赤心無

從上白昔秦使甘茂攻宜陽至質之以息壤在彼魏使樂羊攻中山至示之以謗書一篋君臣之間似不必爾然自古及今謗以疑間而成禍以忌嫉而得況臣已傷弓於旣往豈容不懲涕於方來詔曰昔唐太宗以西寇未平詔起李靖靖慷慨請行不以老疾爲解代宗有朔方之難圖任郭子儀聞命引道亦不以讒惑自疑皆能乘時立功焜耀竹帛朕甚慕之今蜀道倣擾未寬顧憂朕起卿燕閒付以方面而卿忠於報國諫不辭難朕之用人庶幾於唐宗卿之事朕無愧於李郭矣勉圖雋功以濟國事尋命丁煇改知興元府甲申發果州丙戌至遂寧賊猶負固于普州之茗山丙午命諸軍合圍絕其樵汲之路以困之未幾張威李貴俘獲張福等十七人以獻丙命嚮王大才以祭九鼎七月庚子盡俘餘黨千餘人皆斬之庚戌班師迺移治利州賜保寧軍節度使印癸仲亦加三秩進直華文閣起復主管宣撫司機宜文字明年進丙少保賜衣帶鞍馬丙以關表營田多遺利命官括之有文垓者方持母喪以便宜起復幹辦魚關糧料院俾之措置且以宣撫副使印假之而馮安世者又卽利州置根括局於是了翁遺丙書謂幕府舉辟當用經術信厚之士不可用冒喪之人且公八年鎮蜀有恩則有怨豈可人人而校事事而理自處甚狹恐貽子孫賓客無窮之累雖今日理財難拘故常然告絕產首白契許隱田伺富民過失糾鹽酒戶虧額報怨挾憤招權納賄者必且紛然而公任其怨丙復書曰關外糴買當用四百萬緡而總所見緡止二十五萬多方措置非得已而不已儻皆清流何由辦事蜀士中如令弟嘉父李成之輩清則清高則高矣其何辦錢穀俗務乎劉德脩嘗雅責楊嗣勳不能舉義誅叛嗣勳云德脩特未當局耳丙於華父亦云其後安

世不法滋甚近臣有以書抵丙而安世之徒亦發其事丙械送大安窮治之先是夏人來乞師併兵攻金人丙且奏且行分遣將士趨秦鞏鳳翔委丁焞節制師次于鞏夏人以樞密使甯子盭眾二十餘萬約以夏兵野戰宋師攻城既而攻鞏不克乃已丙卒計聞以少傅致仕輟視朝二日贈少師賻銀絹千計賜河州祠額爲英惠廟理宗親札賜諡忠定丙所著有晶然集

楊巨源字子淵其先成都人父信臣客益昌因家焉巨源倜儻有大志善騎射涉獵諸子百家之書應進士不中武舉又不中劉光祖見而異之薦之總領錢糧陳擘以右職舉爲鳳州堡子原倉官馳騁射獵傾財養士沿邊忠義咸服其才分差魚關糧料院移監興州合江贍軍倉吳曦叛巨源陰有討賊志結義士三百人給其錢糧有遊奕軍統領張林者力能挽兩石弓隊將朱邦寧身長六

尺勇力過人皆爲曦所忌雖屢戰有功亦不加賞林等憾之時林在置口邦寧在合江巨源因與深相締結并集忠義人朱福陳安傅檜之徒曦脅安丙爲丞相長史丙稱疾詹士程夢錫見丙丙歎曰世事如此世無豪傑夢錫因及巨源之謀丙曰何見我乎乃囑夢錫以書致巨源延之臥所巨源曰先生而爲逆賊丞相長史耶丙號哭曰目前兵將我所知不能奮起必得豪傑乃滅此賊則丙無復憂巨源曰先生之意決乎丙指天誓曰若誅此賊雖死爲忠鬼夫復何恨巨源大喜曰非先生不足以主此事非巨源不足以了此事當是時李好義好問亦結李貴楊君玉李坤辰凡數十人坤辰邀巨源與好義會巨源又大喜曰吾與安長史議以三月六日邀曦謁廟台勇士刺之好義曰彼出則齟菘從衛且千人事必難濟聞熟食日祭東園圖之此其時也巨源然之好義願一見

長史以爲信巨源曰吾今先爲長史言之來日僞宮令長史問君先世是已巨源以告丙明日好義在僞宮見丙揖之丙曰卿與尊父同僚楊省幹盛談才略且夕以職事相委其謀乃決君玉先屬其鄉人白子申擬詔文不雅馴巨源更爲之例用合江倉朱記巨源好義憂事寢泄遂以三月乙亥未明好義率其徒入僞宮巨源持詔乘馬自稱奉使入內戶曦啟戶欲逸李貴執殺之衛者始拒鬪聞有詔皆卻巨源好義迎丙宣詔以曦首徇三軍推丙權四川宣撫使巨源權參贊軍事丙奏功于朝以巨源第一詔補承事郎巨源謂丙曰曦外賊膽以破關外四州爲蜀要害蓋乘勢復取好義亦以爲言丙慮軍無見糧巨源力言四州不取必有後患自請爲隨軍措置糧運於是分遣好義復西和州張林李簡復成州劉昌國復階州孫忠銳復散關俄詔巨源轉朝奉郎與通判差遣兼四川宣撫使司參議官丙素惡忠銳聞忠銳失守散關檄其還欲廢之先命巨源借邦密以沔兵二千策應巨源至鳳州因忠銳出迎伏壯士於幕後突出斬之并其子揆丙遂以忠銳附僞賀表聞于朝且待臯先是獎諭誅叛詔書至沔州巨源謂人曰詔命一字不及巨源疑有以蔽其功者俄報王喜授節度使巨源彌不平時趙彥呐以在夔誅祿禧得州通判巨源曰殺祿禧與通判殺吳曦亦與通判耶以啟謝丙曰飛矢以下聊城深慕魯仲連之高諒解印而去彭澤庶幾陶靖節之清風又遣愬功于朝而從興元都統制彭輅乞書遺韓侂胄輅陽許而陰以白丙或言巨源與其徒朱福車彥威謀爲亂丙命喜鞫之福彥威皆抵臯正將陳安復告巨源結外士入關欲焚沔州州治俟丙出則殺之丙積前事因欲去巨源然未有以發也會巨源在鳳州以檄書遺金鳳翔都統使其

辭若用間者且自稱宣撫副使而以參議官印印之金以檄至丙
巨源方與金戰敗于長橋丙乃移書召巨源巨源疑焉有梁泉主
簿高岳成者巨源薦爲隨軍撥運來見巨源贊其歸巨源信之時
輅已至沔六月壬申巨源還幕府丙密命輅收巨源巨源殊不知
以爲謁已也語畢輅起巨源送之賓次武士就挽其裾巨源猶叱
之則已爲驅至庭下巨源大呼曰我何臯丙隔屏遣人謂之曰若
爲詐稱宣撫副使命械送閬州獄巨源曰我一時用間異時必有
爲我明其事丙餉以肴酒巨源曰一身無媿歿且無憾惟有妹未
嫁宣撫念之癸酉巨源舟抵大安龍尾灘將校樊世顯者呼於岸
巨源知將見殺指其地而語之曰此好一片葬地世顯曰安有是
舟行數步謂曰宣參久渴莫進杯酒巨源辭以不飲又曰宣參荷
械已久盍少蘇巨源未及答左右遽取利刀斷其頭不絕者踰寸
遂以巨源自殪聞宣撫司後數日丙命瘞之巨源歿忠義之士爲
之扼腕聞者流涕劔外士人張伯威爲文以弔其辭尤悲切巨源
之屬吏也李璧在政府聞之曰嘻巨源其歿矣丙以人情洵洵封
章求免楊輔亦謂丙殺巨源必召變請以劉甲代之初巨源與好
義結官軍而丙密爲反正之計各未相知合巨源於好義者李坤
辰而合好義於丙者巨源也巨源遺光祖書述丙酬答之語錢梓
競傳之丙已弗樂浸潤不已遂成此禍成忠郎李珙投匭獻所作
巨源傳爲之訟冤朝廷亦念其功賜廟褒忠贈寶謨閣待制官其
二子制置使崔與之請官給其葬加贈寶謨閣直學士大中大夫
嘉熙元年理宗特賜諡忠愍子履正終大理卿四川制置副使
李好義下邳人祖師中建炎間以白丁守華州積官忠州團練使
父定一興州中軍統制好義弱冠從軍善騎射西邊第一初以準

備將討文州蕃部有功開禧初韓侂胄開邊吳曦主師好義爲興
州正將數請出精兵襲金人曦蓄異謀不納未幾關外四州俱陷
金人長驅入散關曦受金人說以蜀叛好義自青坊聞變亟歸與
其兄對哭謀誅之會曦遣李貴追殺宣撫程松貴語其徒曰程宣
撫朝廷重臣不可殺好義知其赤心可以所謀告之貴遂約李彪
張淵陳立劉虎張海等好義又密結親衛軍黃術趙亮吳政等女
弟夫楊君玉亦與知好義戒言曰此事誓必報國救四蜀生靈慎
毋泄留其母以質好義兄弟謀曰今日人皆可殺曦皆可爲曦曦
死後若無威堅者鎮撫恐一變未息一變復生欲至期立長史安
丙以主事蓋曦嘗授丙偽丞相而丙託疾不往故兄弟有是謀也
旣而君玉與李坤辰者來坤辰因言丙亦與合江倉楊巨源陰結
忠義欲圖曦好義遂遣君玉偕坤辰約巨源以報丙丙大喜曰非
統制李定一之子乎此人旣來斷曦之臂矣遂與好義約二月晦
舉事見巨源傳迺約彪術貴等七十有四人及士人路良弼王芾
好義夜饗士麾眾受甲與好古好仁及子姓拜決于家廟囑妻馬
氏曰日出無耗當自爲計死生從此決矣馬氏叱之曰汝爲朝廷
誅賊何以家爲我決不辱李家門戶馬氏之母亦曰行矣勉之汝
兄弟生爲壯夫死爲英鬼好義喜曰婦人女子尙念朝廷不愛性
命我輩當如何眾皆踴躍旣行小將祿禕引十卒來助各以黃帛
爲號好義誓於眾曰入宮安殺人掠財物者死時僞宮門洞開好
義大呼而入曰奉朝廷密詔安長史爲宣撫令我誅反賊敢抗者
夷其族曦護衛千兵皆棄挺而走遂至僞殿東角小門入世美堂
近曦寢室曦聞外闕倉皇而起露頂徒跣開寢戶欲遁見貴復止
以手捍內戶貴前爭戶戶紐折曦走貴追及手執其髻舉刃中曦

頰曦素勇有力撲貴仆于地不能起好義急呼王換斧其腰者二
曦負痛手縱貴起遂斫其首引眾擁曦首出偽宮亟馳告丙宣詔
軍民拜舞歡聲動天地持曦首撫定城中市不改肆好義請乘時
取關外四州巨源贊之丙大喜巨源輔行王喜忌其能沮之好義
曰西和乃腹心之地西和下則三州可不戰而復矣今不圖後悔
無及願得馬步千人死士二百齎十日糧可濟丙從其請忠義響
應次獨頭嶺進士王榮仲兄弟率民兵會合夾擊金人少者蔽路
十戰至山砦高堡七日至西和好義率眾攻城親犯矢石人人樂
死以少擊眾前無留敵金西和節使完顏欽奔遁好義整眾而入
軍民歡呼迎拜籍府庫以歸于官好義初欲乘勝徑取秦隴以牽
制淮寇而宣撫司令謹守故疆不得侵越士氣皆沮好義以中軍
統制知西和州卒丙以勞績上于朝特贈檢校少保仍給田以贖
其家後吳獵為請諡曰忠壯好義喜誦孟子及左傳以為終身行
此足矣誅曦時惟幼子植留家迄事人爭冒功賞君王欲注植名
好義指心曰惟此物不可欺曦既誅好義集於丙家王喜後至心
懷邪謀欲刃好義丙力救解然日以殺好義為心及好義守西和
喜遣其外黨劉昌國聽節制好義與之酬酢歡飲達旦好義心腹
暴痛洞瀉而昌國遁矣既殮口鼻爪指皆青黑居民莫不冤之號
慟如私親摧鋒一軍幾至於變既而昌國白日見好義持刃刺之
驚怖仆地疽發而殞喜曦大將也貪淫狠愎誅曦之日不可拜詔
遣其徒入偽宮虜掠殆盡又取曦姬妾數人其後欲戡好義為曦
復讎丙不能止便宜處以節度使知興州而恨猶未已嘗出兵於
船柵嶺鋒未及交棄軍先遁金人遂由黑谷長驅入境朝廷慮喜
為變授節度使移荆鄂都統制而死

獨招兵擇將拔土豪孟宗政等補以官提舉京西常平兼轉運判
官提點刑獄時劉光祖以耆德爲帥方事以師禮自言吾性太剛
每見劉公使人更和緩嘗請光祖書勤謹和緩四字揭坐隅以爲
戒以兵部員外郎召尋加直祕閣改湖北轉運判官兼知鄂州升
直煥章閣兼權江陵府增修三海八廩以壯形勢進祕閣修撰知
江陵府主管湖北安撫司使兼權荆湖置司時金偏於兵計其必
南徙日夜爲備荆門有東西兩山險要方築堡其上增戍兵以遏
其衝進右文殿脩撰金焚快明謀歸宋追兵至襄陽方遣孟宗政
扈再興以百騎邀之殺千餘人金人遁去權工部侍郎寶謨閣待
制京湖制置使兼知襄陽府謀知金人決意犯境乃下防夏之令
金相高琪及其樞密烏古論慶壽犯陳光化隨棗陽信陽均州方
夜半呼其子范葵曰朝廷和戰之說未定觀此益亂人意吾策決

矣惟有提兵臨邊決戰以報國耳遂抗疏主戰親往襄陽金人圍
棗陽急方遣宗政再興等援棗陽仍增戍光化信陽均州以聯聲
勢已而夷陽守趙觀敗金人於城外再興宗政至與觀夾擊又敗
之棗陽圍解方申飭諸將當過於境上不可使之入而後拒之于
城下時麥正孰方遣兵護民刈之令清野以俟再疏力陳不可和
者七戰議遂定金將完顏賽不入境兵號十萬方部分諸將金人
犯棗陽者宗政敗之于尙家川犯隨州者劉世興敗之于磨子平
相持踰年方調世興移師與許國再興援棗陽張興李雄韜援隨
州隨州圍解再興等轉戰入棗陽時宗政守城伏兵城東金人遇
伏敗走未幾再至再興又敗之自是無日不戰金人三面來攻宗
政出東門再興出南門世興出北門大合戰敗之金人朝進莫退
力不能捍諸將表裏合謀國自南山進張威自漢河進世興李琪

出城與國會再興出城與威會犄角追擊金人遂潰化光守潘景伯亦設伏敗金人于趙家橋孟宗德又破之于隨州鴨兒山禽養不妻弟王醜漢金人遂誅費不方以功遷龍圖閣待制封長沙縣男賜食邑金人復大舉命訛可圍棗陽斬其外繞以土城方計其空巢穴而來若擣其虛則棗陽之圍自解乃命國東向唐州再興西向鄧州又命子范監軍葵後殿時宗政在城中日夜鏖戰焚其攻具金人不敢近城西師由光化境出砦于三尖山拔順陽縣金人率眾仰攻大敗再興與國兩道竝進掠唐鄧境焚其城柵糧儲棗陽城堅金頓兵八十餘日方知其氣已竭乃召國再興還併東師隸于再興剋期合戰再興敗金人于灤河又敗之城南宗政自城中出夾擊殺其眾三萬金人大潰訛可單騎遁獲其賞糧器甲不可勝計進方煥章閣直學士奏乞均官民軍兵廩給自備馬者倍之又奏使民兵夏歸以省月給秋復詣屯守禦從之方料金人數不得志于棗陽必將同時竝攻諸城當先發以制之命國宗政出師向唐再興向鄧戒之曰毋深入毋攻城第潰其保甲燬其城砦空其賞糧而已宗政進破湖陽縣禽其千戶趙興兒國遣部將耶律均與金人戰于北陽戮其將李提控再興破高頭城大敗金兵遂薄鄧州唐州兵來援迎敗之降者踵至已而金兵至樊城方命再興陳以待之方視其師金人三日不敢動遂遁金將駙馬阿海犯淮西樞密完顏小驢屯唐州爲後繼方先攻唐伐其謀及使再興發棗陽兵擊其西國發桐栢兵擊其東再興敗金人于唐城斬小驢圍其城五匝垂下會斬黃繼陷詔趣方遣救方亟命國係鄂再興援淮西國還鄂州孫江再興軍至斬之靈山伺金人歸而擊之士豪祝文蔚橫突入陳金人大敗國遣張寶將兵來會李全

等兵亦至金人遂潰再興追逐六十里禽其監軍合答進方顯謨
閣直學士大中大夫權刑部尙書俄得疾進徵猷閣學士京湖制
置大使歸還力疾犒師第其功上之病革田未死一日當立一日
紀綱引再興臥內勉以協心報國貽書宰相論疆場大計尋卒是
夕有大星隕于襄陽以端明殿學士正議大夫致仕贈銀青光祿
大夫累贈太師諡忠肅方起自儒生帥邊十年以戰爲守合官民
兵爲一體通制總司爲一家持軍嚴每令諸將飲酒勿醉當使日
日可戰淮蜀沿邊屢遭金人之禍而京西一境獨全嘗問相業於
劉清之清之以留意人才對故知名士如陳睭游九功輩皆拔爲
大吏諸名將多在其麾下若扈再興蓋宗政者起自土豪推誠擢
任致其死力藩屏一方使朝廷無北顧之憂故其沒也人皆惜之
子董凝范葵范英有傳

賈涉字濟川天台人幼好讀古書慷慨有大志以父任高郵尉改
萬安丞寶應擇令堂差涉至邑請城之役興以憂去金人犯光州
起涉竟前役通判真州改大理司直知盱眙軍淮人季先沈鐸說
楚州守應純之以招山東人純之令鐸遣周用和說楊友劉全李
全等以其眾至先招石珪葛平楊德廣通號忠義軍珪等反燬鐸
于漣水純之罷通判梁丙行守事欲省其糧使自潰珪德廣等以
漣水諸軍度淮屯南渡門焚掠幾盡謂朝廷欲和殘金置我軍何
地丙遣季全季先拒之不止事甚危涉時在寶應上書曰降附踵
至而金乃請和此正用高澄間侯景遺策恐山東之禍必移於兩
淮況金人所乏惟財與糧若舉數年歲幣還之是以肉啗餒虎啗
盡將反噬至若忠義之人源源而來不立定額自爲一軍處之北
岸則安能以有限之財應無窮之須饑則噬人飽則用命其勢然

也授淮東提點刑獄兼楚州節制本路京東忠義人兵涉亟遣傳翼諭珪等逆順禍福自以輕車抵山陽德廣等郊迎伏地請死誓以自新金太子及僕散萬忠盧國瑞等數十萬大入且以計誘珪等涉慮珪等爲金用亟遣陳孝忠向滁州珪與夏全時青向濠州先平德廣趨滁濠李全李福要其歸路以傳翼監軍數日孝忠捷至珪屢破金人遂與先及李全趨安豐時金人環百餘砦攻具甫畢珪等解其圍李全挾僕散萬忠以歸見李全傳金人不敢窺淮東者六七年南渡門之變平德廣等實預涉既受降置弗問平等向懷異志涉密使先以計殺之而先之勢亦孤忠義諸軍在漣水山陽者旣歿涉慮其思亂因滁濠之役分珪孝忠夏全爲兩屯李全軍爲五砦又用陝西義勇法涅其手合諸軍汰者三萬有奇涅者不滿六萬人正軍常屯七萬餘使主勝客朝廷歲自費十三四涉又遣李全以萬人取海州復取密濰王琳以監海州歸遂收登萊二州青州守張林以濱棣淄州降又取濟沂等州自是恩博景德至邢洛十餘州相繼請降涉傳檄中原以地來歸及反戈自效者朝廷裂地封爵無所吝仍厲諸將圖未下州郡擢太府少卿制置副使兼京東河北節制金十餘萬眾犯黃州淮西帥趙善湘請援于朝涉遣李全等赴之翟朝宗等爲後繼丞相史彌遠擬升全留後涉曰始全貧窶無聊能輕財與眾同甘苦故下樂爲之用逮爲主帥所爲反是積怨旣多眾皆不平近棄西城免死爲幸若無故升遷以驕其志非全之福亦豈國家之福曷若待事定與諸將同升可也金人破黃陷蘄安慶甚危全馳至遂定全至久長鎮與京湖制置使趙方二子范葵遇犄角連戰俱勝遣彭義斌等追至下灣渡盡掩金人于淮遷權吏部侍郎金人再犯淮西先是蘄州

受圍余暉往援乃鼓眾宵遁金乘間登城一郡爲血前帥不敢問
步斬暉以徇諸將畏懼無不用命淮西之勢大振初翟朝宗得玉
璽獻諸朝至是趙琪還又得玉印文與璽同而加大朝廷喜璧之
歸行慶賞涉遺書彌遠謂天意隱而難明人事切而易見當思今
日人事尙未有可答天意者昔之患不過亾金今之患又有由東
忠義與北邊交亟圖之彌遠不憚幸全卒以璽賞爲節度使涉又
言盜賊血氣正盛官職過分將有後憂彌遠不以爲然涉曰朝廷
但知官爵可以得其心盍知驕則將至於不可勸邪涉時已疾力
辭事任值金人大入疆起視事金將時全合連幸术魯答哥率細
軍及眾軍三道渡淮涉以合連善戰乃命張惠當之惠金驍將所
謂賽張飛者既歸宋金人殺其妻所部花帽軍有紀律它軍不及
也惠率諸軍出戰自辰至酉金人大敗魯答哥溺死陷失大半細軍
喪者幾二千涉既病乃以所獲京河版籍及金銀牌銅印之屬上
于朝罕超贈龍圖閣學士光祿大夫涉父偉嘗守開江貽書丞相

趙雄極論武興守吳挺之橫它日陞對又乞裁抑郭棣郭杲兵權
孝宗嘉納後反爲所擠以沒涉弱冠直父冤不避寒暑泣愬十年
至伏書闕下子似道有傳
扈再興字叔起淮人也有膂力善機變每戰被髮肉袒徒跣揮雙
刃奮呼入陳人馬辟易金人犯襄陽棗陽京西制置使趙方檄再
興等禦之金人來自團山勢如風雨再興同孟宗政陳祥分三陳
設伏以待既至再興中出一陳復卻金人逐之宗政與祥合左右
兩翼掩擊之金人三面受敵大敗血肉枕藉山谷間授神勁統制
又犯棗陽再興率師赴援金人間風夜潰既而益兵數萬復圍城
相持九十日再興夜以鐵蒺藜密布地黎明佯遁金人馳中蒺藜

者十路七八敵卻走追至十五里岡已而金兵攻城東隅薄南門
北角再興與宗政劉世興各當一面大戰數十合大敗金兵金帥
完顏訛可擁步騎數萬傅城再興與宗政縱之涉濠半渡擊之又
命守壩者佯走金人爭壩急擊之多墮水中金人劫對樓鴉車革
洞決濠水運土石填城下再興募死士著鐵面具披氈列陳以待
之金人計無所施而去乘旗甲輜重滿野大戰于范家莊金人敗
追之至泊湖禽其巡檢亢師禮酒都監納蘭福昌降其壯丁獲牛
馬甚眾自是與宗政世興無日不戰再興又破順昌縣奪甲馬三
千破浙川鎮殺金人三百追至馬磴盡焚其城柵又敗其護駕騎
軍于灤河入鄧州破高頭敗其步軍五千騎軍五百焚其積聚遂
營于高頭進攻唐州至三家河金騎軍二千步軍七千出城迎戰
又敗之死者十七八追及城下金將從義者收殘騎三百奔城再
興據門拒戰斬從義遂圍唐州分兵焚蕩州境截其歸路若于久
長嚴陳以待之搜勦殘兵獲其副統軍廣威將軍納撻達金兵殲
乃斂鬪體立人頭堠尋以病卒子世達亦以名將稱官至都統制
孟宗政字德夫絳州人父林從岳飛至隨州因家焉宗政自幼蒙
侁有膽略常出沒疆場間開禧二年金將完顏董犯襄鄧宗政率
義士據險遊擊奪其輜重宣撫使吳玠奇之補承節郎棗陽令京
西路分趙方吳柔勝皆薦其才轉秉義郎京西鈐轄駐劄襄陽嘉
定十年金人犯襄陽棗陽方檄宗政節制神勁報捷忠義三軍宗
政與統制扈再興陳祥分爲三軍設伏三所蹀血以戰金兵敗走
尋報棗陽圍急宗政午發峴首遲明抵棗陽馳突如神金人大駭
宵遁方時移帥京西聞捷大喜差權棗陽軍初眠事一愛僕犯新
令立斬之軍民股栗於是築隄積水修治城堞簡閱軍士十一年

金帥完顏賽不擁步騎圍城宗政與再興合兵角敵歷三月大小七十餘戰宗政身先士卒金人戰輒敗忿甚周城開濠四面控兵列濠外飛鋒鎬以絢鈴自警鈴響則犬吠宗政厚募壯士乘間突擊金人不能支盛兵薄城宗政隨方力拒隨守許國援師至白水鼓聲相聞宗政率諸將出戰金人奔潰賜金帶轉武德郎十二年金帥完顏訛可擁步騎傅城宗政囊糠盛沙以覆樓棚列甕瀦水以隄火募砲手擊之一砲輒殺數人金人選精騎二千號弩子手擁雲梯天橋先登又募鑿銀礦石工晝夜培城運茅葦直抵圍樓下欲焚樓宗政先燬樓掘深坑防地道砌戰棚防城隕穿穿才透卽施毒煙烈火鼓鞴以熏之金人窒以溼氈析路以剗王城頽樓陷宗政撤樓益薪架火山以絕其路列勇士以長槍勁弩備其衝距樓陷所數丈築偃月城袤百餘尺翼傅正城深坑倍仞躬督役五日成金人摘疆兵披厚鎧氈衫鐵面而前又溼氈濡革蒙火山覆以冰雪擁雲梯徑抵西北圍樓登城中軍以長戈春其喉殺之敢勇軍自下夾擊金兵兵墜死燎焰金將於後截其軍拒馬揮刀迫前自斫至戾死傷踵接梯橋盡燬金人連不得志俄乘順風渡濠飛脂革燒戰棚宗政激將士血戰凡十五陳矢石交金兵死者千餘弩子手十七八射其都統殪天反風金人愈忿砲愈急會王大任領銳卒一千冒重圍轉鬪入城內外合勢士氣大振賈勇入金營自晡至三更金人橫屍徧地奪其銅印十有六訛可棄帳走獲輜重牛馬萬計捷至朝廷方錄前戰守功升武功大夫兼閤門宣贊舍人重賜金帶制置司以湖陽縣追境金兵檄宗政圖之宗政一鼓而拔燔燒積聚夷蕩營砦俘掠以歸金人自是不敢窺襄漢棗陽許國移金陵宗政代爲荆鄂都統制仍知棗陽宗政以

追濠而陳迺於西北濠外瀦水爲濫以限騎中原遺民來歸者以
萬數宗政發廩贍之爲給田勸屋與居籍其勇壯號忠順軍俾出
沒唐鄧間威振境外金人呼爲孟爺爺俄病疽卒轉右武大夫團
練使防禦使宗政於有功者怨必賞有罪者親必罰好賢樂善出
於天性未嘗學兵法而暗與之合死之日邊城爲罷市慟哭于琪
有傳

張威字德遠成州人策選鋒軍騎兵也軍中馬料多匹馬給米五
石騎軍利其餘以自給總領覈實裁抑威逃去帥郭杲使其父招
之歸送隆慶府後軍效用威貧甚賣藥自給或言其才勇乃令戍
邊開禧用兵威與金人戰輒捷屢以功補本軍將領吳曦旣誅遣
將收復李貴復西和州威率眾先登敗金人戰于板橋遂取西和
升統制由是威名大振天水縣當金人西入路乃升縣爲軍命威

爲守屢立奇功擢充利州副都統制丁父憂服除帶御器械久之
調荆鄂都統制襄陽府駐劄改沔州都統制嘉定十二年金人分
道入蜀犯狄池堡又犯白環堡威部將石宣董炤連卻之旣而金
人犯成州威自西和退保仙人原時興元都統制吳政戰死黃牛
堡李貴代政亟走武休金人已破武休遂陷興元又陷大安軍先
是利州路安撫使丁熿聞金人深入亟遣書招威東入救蜀又檄
忠義總管李好古北上捍禦好古出魚關與統領張彪遇以彪棄
迷竹關故斬之彪威弟也威聞彪死按兵不進熿聞之謂僚佐曰
吳政身死李貴復以兵敗金人所憚惟威今好古擅殺其弟失威
心奈何且金人在東非威地分今可無好古不可無威遂因好古
入見數其擅殺彪罪斬之遣書速威進救蜀且使進士田遂往說
之威感激夜半調發鼓行而前破金人手金斗鎮金人雖敗未退

威頓兵不動潛遣石宣等襲于大安軍大破之金人之來也擇兩齒馬及精兵凡三千人至是殲焉俘其將巴士魯大將包長壽聞之宵遁興元叛兵張福莫簡作亂以紅帕蒙首號紅巾隊焚利州殺總領楊九鼎破閬果入遂寧遊騎在潼漢界將窺成都制置司謂賊勢欲西非威不可禦乃遣威提精兵六千人自劔縣至廣漢盛夏暑劇休士三日俄安丙檄威東進時賊自遂寧入普州茗山威進兵重圍絕其糧道晝夜迫之未幾禽福等十七人戮之簡自殺賊遂平西夏來約夾攻金人丙許之遣王仕信會夏人于鞏又命威與利帥程信興帥陳立等分道竝進威向秦州議初起威謂金人尙彊夏人反覆未可輕動丙不聽卒遣威威勉而行令所部毋得輕發諸將至城下無功而還丙怒奏罷其兵柄是歲卒于利州終揚州觀察使威初在行伍以勇見稱進充偏裨每戰輒克

金人聞其名畏憚之臨陣戰酣則精采愈奮兩眼皆赤時號張紅眼又號張鵲眼威立淨天鵲旗以自表每戰不操它兵有木楮號紫大蟲圓而不刃長不六尺揮之掠陳敵皆靡荆鄂多平川廣野威曰是彼騎兵之利也鐵騎一衝吾步技窮矣蜀中戰法不可用乃意創法名撒星陳分合不常聞鼓則聚聞金則散騎兵至則聲金一軍分爲數十簇金人隨而分兵則又鼓而聚之倏忽之間分合數變金人失措然後縱擊之以此輒勝威御軍紀律嚴整兵行常若銜枚罕聞其聲每與百姓避路買食物則賈倍於市迄無敢噓晚以嗜欲多疾故不壽云

論曰宋之南渡邊將之才何其鮮哉或曰江南非用武之地然古之善兵者若孫武子亦吳人也抑先王之世文武無二道文武旣分宜其才之各有所偏勝也趙方少從張栻學許國之忠應變之

略隱然有尊俎折衝之風其部曲如扈再興孟宗政後皆為名將亦方之能獎率也方之子范葵宗政子珙後皆以功名自見不愧其父有足稱者賈涉居方面亦號有才及其庶孽竟至亡國為可歎也張威者善於御眾故所至立功云

庚申二月二十七日

宋史卷四百三終

宋史卷四百四

列傳第一百六十三

汪若海

張運

柳約

李舜臣

孫逢吉

章穎

商飛卿

劉穎

徐邦憲

汪若海字東叟歙人未弱冠避京師入太學靖康元年金人侵擾朝廷下詔求知兵者若海應詔未三刻而文成擢高等時已割河北地其年冬再犯京師若海謂河北國家重地當用河北以攬天下之權不可怯懦以自守閉關養敵坐受其敝屬康王起兵相州乃上書樞密曹輔請立王為大元帥擁兵鎮撫河北以倚金人之後則京城之圍自解輔大喜即以其書進欽宗用為參謀遣如康王所宰相何桌執異議以道梗為辭不果遣京城失守若海逃麟

爲書以獻及二帝北行袖書抗粘罕請存趙氏繼而出謁康王於濟州謂神器久虛異姓僭竊宜蚤卽位以圖中興一日間三被顧問補修職郎充帳前差使高宗旣卽位推恩改承奉郎遷江南經制使轉承事郎監登聞檢院五府交辟改屬右府朝廷以張浚宣撫川陝議未決若海曰天下者常山蛇勢也秦蜀爲首東南爲尾中原爲脊今以東南爲首安能起天下之脊哉將圖恢復必在川陝迺往見浚極談終日浚大驚辟以自隨以親老辭繼論軍食迂執政通判沅州以讒奪籍謫英州道出臨川時節制江夏軍馬李允文擁眾數十萬跋扈不用命朝廷命招討使張俊屯江西參謀官湯東野與若海故得若海道中喜甚謂曰李允文懷反側非君莫能開其自新若海卽馳往諭以成敗逆順示以朝廷威德復談三策以動之辭旨明暢允文大感悟卽舉軍東下若海復爲書招其徒張用曹成李宏馬友同歸朝廷用一見以其眾二十萬解甲效順惟成疑貳有它志若海移書責之成怒將殺若海若海夜宿王林軍帳以計得林軍印遂奪其眾五千人翼日成遂遁若海遺宏書使刺成以自歸宏得書圖成而力不勝復走長沙刺友羣盜解散若海遂以林五千人歸招討使張俊俊乃班師凱旋軍容愈盛時朝廷方出師若海以爲爲國家者當化盜賊爲我用不可失英雄爲國患因獻平寇策朝廷悉用之其後李宏爲劉忠所并死長沙劉忠爲韓世忠所破走劉豫曹成走廣而復降湖湘遂安尋復承務郎監潭州南岳廟通判辰州紹興九年復三京祇謁陵寢事還以前功旬月四遷至承議郎通判順昌府金人奄至太尉劉錡甫至眾不滿三萬遣人丐援于朝無敢往者若海毅然請行其述錡明方略善用兵以偏師濟之必有成功朝廷從之金兵果敗

去辟淮北宣撫司主管機宜文字拓皋之役復以勞兩轉至朝散
郎通判洪州未上丁內艱服除添差通判信州秩滿遷湖北帥司
參議知道州陛辭得對上曰久不見卿卿向安在授直秘閣知江
州丁父憂時方經略中原朝廷議起若海而若海死矣若海豁達
高亮深沈有度恥爲世俗章句學爲文操紙筆立就蹈厲風發高
宗嘗以片紙書若海名諭浚曰似此人材卿宜收拾會浚去國不
果召

張運字南伸信之貴溪人唐宰相文瓘之後父貫右通直郎累贈
太中大夫運年二十五以太學生登宣和三年進士第賜同上舍
出身調桂陽監藍山縣丞縣闕令運攝縣事縣與諸獠接壤因俗
爲治吏民安之臨武寇與諸獠合大剽掠運親帥兵禽之遷潭州
攸縣尉高宗南渡劇賊王在據岐山潭帥徵兵戍岳運將二千人

先至岳賊平改臨江新淦丞縣新被兵令不能支沿江撫諭使張
匯劾罷之以運攝縣事運撥煨燼考版籍正租賦數月之間敝除
而民定紹興五年通判鼎州賊楊么黃誠擁眾數萬殘破城邑跳
梁湖北高宗遣張浚以都督董師岳飛以招討舉兵擊之賊率輕
銳徑趨武溪南興以臨鼎州城中大震運與太守程昌寓勒兵登
城控扼上下以張其勢賊宵潰澧賊雷德進柵險稱亂帥檄運討
之運將都統梁吉等率兵直搗其巢破四十二柵降其眾移貳濡
須金人犯廬壽等州大將駐兵淮壩以拒之運給餉未嘗乏絕歲
餘以親老還江東寓居鄱旣而丁母及父憂服除起知桂陽監五
月而境內稱治與部使者奏升監爲軍大修庠序之教祠漢以來
守令有功德於桂陽者衛颯唐羌等七人于學刻續顏氏家訓四
時纂要等書散之民間使之修德而務本召入對除知達州方大

旱入境而兩奏除病民五事召爲度支郎中臨安樓店務錢歲三十餘萬緡請以十萬歸省額戶部所儲三佛齊國所貢乳香九萬一千五百斤直可百二十餘萬緡請分送江浙荆湖漕司賣之以糴軍餉及陳諸路綱運七弊懲革十術遠近遞輸以均勞逸事皆施行兼樞密院檢詳遷軍器監尋改大理少卿請正兩浙鹽法以寬私鬻之禁紹興永裕昭慈二陵官地與民犬牙相入請縣重價聽民持券獻納以免誤犯之罪尤明於治獄獄爲之空拜刑部侍郎言諸斥逐累赦未還者宐從湔洗諸申請條制多重復抵牾失於太煩諸編置不以赦原不以蔭論之類失於太重外路刑獄三經翻異移送大理刀鋸數施非所以示遠及諸不便皆從之又請廣儲蓄興鼓鑄脩屯田作鄉兵亦皆聽納兼權戶部侍郎時久雨傷蠶麥及邊報有警詔侍從臺諫陳弭災禦侮之策運言天災人事有甚可畏而不足畏者視吾政之修不修有甚可憂而不足憂者視吾自治之善不善及宐邊淮建三大鎮以守之會金人渝盟特遷戶部侍郎以專餽餉丞相陳康伯議遣李寶自四明控制海道眾論紛紜運直入贊決以爲上策金人果敗走因上疏乞降詔撫將士蠲租賦遣信使結豪傑堅城守督漢中將士趨關陝以制其後置四鎮三帥於兩淮襄漢之間以爲內固以圖進取以御營隨軍都轉運使從上勞師江上及駕還因入對固請補外乃授集英殿修撰出知太平州當兵饑疾癘之餘殫勞徠安輯之方嚴斥埃攻守之備理財賦造戰艦繕甲兵申禁令民賴以安孝宗旣受禪運亦請老以敷文閣待制提舉江州太平興國宮尋授廣東經略不赴乃復祠祿乾道七年鄱大饑運首發粟二千石以振之自是民爭出粟以濟運上章致政不許以疾卒贈少師左光祿大夫

官其後三人嘉定六年贈開府儀同三司

柳約字元禮秀州華亭人大觀三年上舍進士試中學官爲霸州教授徙睦州入爲辟雍正遷博士改宣議郎充廣親宅宗子博士約深於經學屬辭粹微大爲學者師慕提舉福建鹽事召對論內外學正次乞罷內外官到堂日投牒求官以厚風俗授祕書省校書郎進著作佐郎徽州司錄改通判宿州召拜監察御史靖康初兼權殿中侍御史論三鎮不可棄改尙書工部員外進左司員外郎父憂去官服除以直顯謨閣充御營司參謀官遷太常少卿高宗將幸平江約疏言兵可進毋退以示怯於敵乃以直龍圖閣知台州未赴徙嚴州兼浙西兵馬都監節制管內軍馬當是時金人大入杜充擁眾北去列郡震恐莫有奔問官守者約於橫濱中屹係孤城悉力捍禦境內按堵則慨然上書請糾合諸郡克復吳會上嘉其忠進右文殿修撰守郡如故詔以軍興費出無藝吏慢弗虔柳約獨謹賦輸率先程督進秋一等又詔約郡當兵衝而能不辭難不避事益嚴列柵係紱一方朕甚嘉之其以約充集英殿修撰召入對獎勞再三擢權戶部侍郎約於是感激盡言凡例外宣索皆執奏不進論吳开等罪未正非所以厲臣節諸大將提兵入觀各名其家將有尾大不掉之患皆人不敢言者又言軍興科需百出望官戶名田過制者與編戶均一科數請增諸路酒錢其半令提刑司椿管以備軍費皆從之會高麗請修貢議遣使報聘上顧廷臣無出約右加試戶部侍郎充其選且將大用當路忌之諷言者誣以事罷爲提舉太平觀居七年復祕閣脩撰金人歸侵疆起知蔡州被命而往一無顧避既而金人渝平傳檄河南守臣皆舉城降約獨遣使數輩於武昌得報而後返未幾以敷文閣待制

食祠祿十有五年卒贈四官約天性至孝母病甚泣禱于天願損壽以益親壽母壽愈約竟先母兩月卒人並下
李舜臣字子思隆州井研入生四年知讀書八歲能屬文少長通古今推迹興廢洞見根本慨然有志於天下紹興末張浚視師江淮舜臣應詔上書言乘輿不出無以定大計浚徙幸武昌又謂江東六朝皆嘗取勝北方不可乘機爭天下浚爲今日監著江東勝後之鑑十篇上之甲乾道二年進士第時朝廷旣罷兵而爲相者益不厭天下望舜臣對策論金人世讎無可和之義宰輔大臣不當以奉行文字爲職業考官惡焉細下第調邛州安仁縣主簿歲大祿畿民千百持鉏棘大呼響震邑市令懼閉門舜臣曰此非盜也何懼爲亟出慰勞遣之教授成都府時虞允文撫師關上辟宣幕府用舉者改宣教郎知饒州德興縣專尚風化民有母子昆弟之訟連年不決爲陳慈孝友恭之道遂爲母子兄弟如初間詣學講說邑士皆稱蜀先生罷百姓預貸償前官積逋踰三萬緡民病差役舜臣勸糾諸鄉以稅數低昂定役期久近爲義役期年役成民大便利銀坑罷雖久小戶猶數銀本錢官爲償之天申大禮助賞及軍器所需皆不以煩民幹辦諸司審計司遷宗正寺主簿重修裕陵玉牒當曾布呂惠卿初用必謹書或謂非執政除免格不應書舜臣曰治忽所關何可拘常法他所筆削類此尤遂於易嘗曰易起於畫理事象數皆因畫以見舍畫而論非易也畫從中起乾坤中畫爲誠敬坎離中畫爲誠明著本傳三十三篇朱熹晚歲每爲學者稱之所著書羣經義八卷書小傳四卷文集三十卷家塾編次論語五卷鏤玉餘功錄二卷子心傳道傳性傳以性傳官二府贈太師追封崇國公

孫逢吉字從之吉州龍泉人也隆興元年進士第授郴州司戶乾道七年太常黃鈞薦於丞相虞允文梁克家將處以學官逢吉竟就常德教授以歸李壽劉琪鄭伯熊劉焯相繼薦之知萍鄉縣以治最聞除諸軍審計司國子博士遷司農寺丞兼實錄院檢討官紹熙元年遷祕書郎兼皇子嘉王府直講二年春二月雷雪之沴交作詔求直言疏八事去蔽諛親講讀伸論駁崇氣節省用度惜名器拔材武飭戎備擢爲右正言建言都城之民安居憚從宗戚營繕寢廣每建一第撤民居數百谷怨者多時親王方更造樓觀未已聞之亟令罷役浙漕沈誥見逢吉謝曰非正言漕計殆不可支初工部侍郎兼知臨安府潘景珪結貴倖以進可諫鄧驥屢數其罪景珪反以計傾之除驥監遂吉曰優遷其官而罷言職後來者且以言爲戒兩疏乞收驥新命不報併劾景珪脅持臺諫蔑視朝綱景珪遂罷在諫垣七十日章二十上詞旨剴切皆人所難言者改國子司業求去爲湖南提刑以祕書監召兼吏部侍郎俄爲孝宗攢官按行事朱熹在經筵持論切直小人其不便潛激上怒中批與祠劉光祖與逢吉同在講筵吏請曰今日某侍郎輪講以疾告孫侍郎居次請代之逢吉曰常所講論語今安得卽有講義已而問某侍郎講義安在取觀之則講詩權輿篇刺康公與賢者有始而無終與逐朱熹事相類逢吉欣然代之講因於上前爭論甚苦上曰朱熹言多不可用逢吉曰熹議祧廟與臣不合他所言皆正未見其不可用寢失上意會彭龜年論韓侂胄專僭出補郡逢吉入疏曰道德崇重陛下所敬禮者無若朱熹志節端亮陛下所委信者無若彭龜年熹旣以論侂胄去龜年復以論侂胄繼臣恐賢者皆無固志陛下所用皆庸鄙儉薄之徒何以立國侂胄

見而惡之丞相趙汝愚既罷侂冑專國一日從臣扈從重華宮上行禮畢駕輿扈從者出宮門上馬忽傳呼侂冑至扈從者卻入斂板甚恭逢吉曰既出復入揖臣子事君父之禮當如是耶不揖而去會部中會食吏密報優人王喜除閣職逢吉即言於上前效朱侍講進趨以儒爲戲者豈可令汗閣職即抗疏力爭之同列密以告侂冑時王喜之命實未出遂以誣詆出知太平州再祠提舉江州太平興國宮起知贛州已屬疾卒謚獻簡弟逢年逢辰皆有文學行義時稱孫氏三龍

章穎字茂獻臨江軍人以兼經中鄉薦孝宗嗣服下詔求言穎爲萬言書附驛以聞禮部奏名第一孝宗稱其文似陸贄調道州教授作周敦頤祠會定章寇爲亂郡僚相繼引去穎獨畱寇平郡守以功入爲郎奏穎有協贊之功可大用乃召對除太學錄禮部正奏第一人初任郎召對者自穎始時樞密都承旨王抃以言者奉外祠穎復言其風金使過求欲已任調護以爲功孝宗謂其言大訐久之不遷及奏考試官孝宗曰章穎可乃知上猶記其讜論也頃之遷太學博士丁內艱服闋添差通判贛州除太常博士御史中丞何澹聞繼母訃引不逮事之文穎定議解官澹猶未決去乞下侍從朝列集議大學諸生攻之曰朝廷專設奉常議禮之所由出也今不從議禮所由出之地反以議禮不公而欲侍從朝列集議豈將啟逢迎希合而爲苟畱進身之計乎除左司諫時左相留正去右相葛邲當國穎論邲不足任大事凡二十餘疏從官議欲超除穎俾去言職庶可兩畱光宗曰是好諫官何以遷之邲始出穎屢疏請上問安重華宮悉焚其藁寧宗即位除侍御史兼侍講尋權兵部侍郎韓侂冑用事穎侍經幃上曰諫官有言及趙汝愚

者卿等謂何同列謾無可否穎奏言天地變遷人情爲疑加以敵人嫚侮國勢未安未可容易進退大臣願降詔宣諭汝愚無聽其去不報奏請待罪與郡御史劾穎阿黨罷太學生周端朝等六人伏闕辨汝愚被誣且謂章穎言發於忠首遭斥逐端朝等皆被罪自是黨論遂起矣穎家居久之起知衢州侍御史林行可劾罷之尋知贛州御史王益祥復劾寢其命再祠需次知建寧府侂冑誅除集英殿修撰累遷刑部侍郎兼侍講對延和殿上歎曰卿爲權臣沮抑甚久穎乞修改甲寅龍飛事迹誣筆除吏部侍郎尋遷禮部尙書升侍讀詔穎以紹熙慶元譙令憲玉牒辨誣余端禮趙彥逾甲寅龍飛記及趙汝愚當時所記事考訂削誣從實上之而去奉祠以嘉定十一年卒年七十八穎操履端直生平風節不爲窮達所移雖仕多偃蹇而清議與之方黨論之興朱熹遺以書略曰世道反覆已足流涕而握其事者怒猶未已未知終安所至極耶然宗社有靈公論未泯異日必有任是責者非公吾誰望耶贈光祿大夫諡文肅

商飛卿字翬仲台州臨海人淳熙初由太學登進士第任無爲軍教授累官至工部郎官時韓侂冑柄國氣焰薰灼飛卿既至未嘗輒一造請踰月卽丐去提舉福建路常平茶鹽事擢監察御史以言事迂侂冑罷爲奉常請外以祕閣修撰爲荆湖南路轉運判官後改司農卿總領江東淮西軍馬錢糧金陵故有帥漕治所合戎騎二帥畱鑰內侍號六司宴飲餽遺費動萬計飛卿以身率儉節縮浮苛糧饟時斂散稍稍以裕聞開禧中就擢戶部侍郎侂冑將舉師嘗問餉計豐約飛卿以實告比調遣浩繁不克支屬有旨俾飛卿軍前傳宣撫勞值金兵大至幾不免以憂卒

劉穎字公實衢州西安人紹興二十七年進士調溧陽主簿時張浚畱守建康金師初退府索民租未入者穎自浚言師旅之後宜先撫摩當盡蠲逋賦浚喜即奏閣免由是知名遣其子棻與游教授全州改官知鉛山縣以外艱去再知常熟縣簽判潭州王佐爲帥負其能盛氣以臨僚吏穎約以中道多屈而改爲及陳峒反所禽賊多穎計策帥上其功曰簽判宜居臣上召監進奏院進太常寺主簿遷丞兼兵部郎官提舉浙西常平茶鹽還澱水湖以泄吳松江二水禁民侵築毋使偪塞大流民田賴之就遷提刑以洗冤澤物爲任間詣獄察不應繫者縱遣之御史以介僻劾罷除江西運判江州德化縣田逃徙太半守乞蠲稅不報穎以見種之稅均於荒萊民願耕者第減之上供自若而逃田盡復除直秘閣淮東轉運副使初水敗楚州城修補未竟劉超欲移築穎因接伴金國使入對言國家何苦捐百萬緡爲軍帥幸賞地邪光宗從之除戶部郎中淮東總領務場以額鈔抵賞陰耗餉計二十年無知此弊者穎究覈得之以所賣數論賞而總餉增羨遷司農少卿淮西總領前主計者請自爲都釀抱淨息而利贏餘其後稍虧反以大軍錢佐之邀糴江淮回易如負販狀穎以爲失王人之體遂罷之內府宣限旣迫每移供軍錢以應歲輸穎蒐吏弊汰冗員分月綱解自是不復那移尋除直寶謨閣江東運副知平江府皆未行除宗正少卿遷起居郎兼實錄院檢討官權戶部侍郎升同修撰以疾丐祠提舉興國宮除集英殿修撰知監國府改知紹興府未幾知平江府徑歸提舉興國宮起知泉州升華文閣待制請興國祠以歸興國祠滿除敷文閣待制致仕嘉定改元召赴行在落致仕除刑部侍郎辭進龍圖閣待制知婺州請老以寶謨閣直學士致仕

六年卒于家年七十八贈光祿大夫在孝宗朝人臣爭承意自獻
穎奏今日之失在輕聽人言昔之施為今復棄置大損盛德孝宗
嘉納之光宗時論人主難克而易流者四曰逸豫無節賜予無度
儒臣易疏近倖易昵靈宗時學禁初起黨論日興穎奏願陛下御
之以道容之以德不然元祐崇觀之事可鑒也其言皆切中於時
自浙西請外凡徙磨節十餘年有以淹速訊之穎笑曰吾所欲也
其在從班日韓侂胄舊與周旋無間方居中用事而穎謝絕之常
言士以不辱身為重其為少宗正而丞相趙汝愚適歸相遇於廢
寺泥雨不能伸足但僧牀立語曰寄謝余參政某雖去而人才猶
在朝廷幸善待之穎曰相公人才卽參政人才也使果賢參政之
責非宰相之憂也余參政端禮也余繼相卒於善類多所全佑穎
之助云

徐邦憲字文子婺州義烏人幼穎悟從陳傅良究名物義理以通
史傳百家之書紹熙四年試禮部第一人登進士第三遷為祕書
郎韓侂胄開兵端同惡附和無敢先發一語議其非者邦憲獨首
言之丐外知處州陛辭力諫用兵不可太驟再歲召還言求名義
以息兵莫若因建儲而肆赦借殊常之恩為弭兵之名因行赦宥
大霈德澤東委宣諭西委宣撫沈弄兵之咎省戍邊之師發倉粟
以賑餓殍及農時而復民業如此則建儲之義正與息兵相為表
裏也又上侂胄書侂胄惡其言嗾御史徐榘擊之鑄秩罷祠未幾
復官除江西憲改江東漕以戶部郎為淮西總領侂胄已誅尚書
倪思舉邦憲自代召對上言今日更化未可與紹興乙亥同論秦
檜專權天下猶可以緝理今侂胄專權天下敗壞盡矣除尚右郎
兼太子侍講除左司為金賀正使接伴除宗正少卿回權工部侍

郎知臨安府西祠知江州奏乞郡得節制屯戍兵至郡疾以寶謨閣待制致仕卒于官年五十七謚文肅
論曰汪若海柳約仕於南渡播遷之時其志將以尊君父故讀其書而悲之張運李舜臣職舉事修遺愛在民孫逢吉章穎辨正人之非邪正學之非偽君子哉商飛卿劉穎徐邦憲皆有立於權臣柄國之日卓乎不為勢利所移故能爾耶

宋史卷四百四
終

宋史卷四百五

列傳第一百六十四

李宗勉

袁甫

劉黻

王居安

李宗勉字彊父富陽人開禧元年進士歷黃州教授浙西茶鹽司江西轉運司幹官嘉定十四年主管吏部架閣尋改太學正明年為博士又明年遷國子博士寶慶初添差通判嘉興府三年召為祕書郎紹定元年遷著作郎入對言邊事宜夙夜震懼以消咎殃明年兼權兵部郎官時李全叛謀已露人莫敢言宗勉獨累疏及之又言欲人謀之合莫若通下情人多好諂揣所悅意則侈其言度所惡聞則小其事上既壅塞下亦欺誣則成敗得失之機理亂安危之故將孰從而上聞哉不聞則不戒待其事至乃駭而圖之抑已晚矣欲財計之豐莫若節國用善為國者常使財勝事不使

事勝財今山東之旅坐糜我金穀湖南江右閩中之寇蹂踐我州縣苟浮費泛用又從而侵耗之則漏卮難盈蠹木易壞設有緩急必將窘於調度而事機失矣欲邦本之固莫若寬民力州縣之間聚斂者多椎剝之風浸以成習民生窮蹙怨憤莫伸嘯聚山林勢所必至揀焚拯溺可不亟爲之謀哉尋改兼侍右郎官明年入對言天災甚切四年差知台州明年直祕閣知婺州六年冬召赴行在未行端平元年進直寶章閣依舊任越月以宗正丞兼權右司召改尙左郎官兼職仍舊尋兼左司五月面對言四事守公道以悅人心行實政以興治功謹命令以士觀聽明賞罰以示勸懲次言楮幣願詔有司始自乘輿宮掖下至百司庶府覈其冗蠹者節之歲省十萬則十萬之楮可損歲省百萬則百萬之楮可損也行之既久損之益多錢楮相當所至流轉則操吾贏縮之柄不在楮矣拜監察御史時方謀出師汴洛宗勉言今朝廷安恬無異於常時士卒未精銳資糧未充衍器械未犀利城壁未繕脩于斯時也守禦猶不可而欲進取可乎借曰今日得蔡明日得海又明日得宿毫然得之者未必可守萬一合怒蓄忿變生倉猝將何以濟臣之所陳豈曰外患之終不可平土宇終不可復哉亦欲量力以有爲相時而後動耳願詔大臣愛日力以修內治合人謀以嚴邊防節冗費以裕邦財招彊勇以壯國勢仍飭沿邊將帥毋好虛名而受實害左控右扼毋失機先則以逸待勞以主禦客庶可保其無虞若使本根壯固士馬精彊觀釁而動用兵未晚已而洛師潰又言昔之所慮者在當守而冒進今之所慮者在欲守而不能何地可控扼何兵可調遣何將可捍禦何糧可給餉皆當預作措畫又言內降之敝大略謂王府后宅之宮僚戚里奄寺之恩賞綸綍直

下不經都省竿牘陳請時出禁廷此皆大臣所當執奏夫先事而
言見幾而諫不可謂之專善則行之否則止之不可謂之專命出
君上政歸中書不可謂之專苟以專權為嫌不以救過為急每事
希旨迎合迨其命令已下闕失已彰然後言事之人從而論列之
其累聖德亦多矣況言之未必聽聽之未必行采進左司諫明年
春兼侍講首言均房安勸光化等處兵禍甚烈然江面可藉以無
憂者猶有襄州今又告變矣襄州失則江陵危江陵危則長江之
險不足恃昔之所慮猶在秋今之所慮者祇在旦夕江陵或不守
則事迫勢蹙必有存亡之憂悔將何及拜殿中侍御史時淮西制
置使兼沿江制置副使史嵩之兼知鄂州就鄂建牙宗勉言荆襄
殘破淮西正當南北之交嵩之當置司淮西則脈絡相連可以應
援邈在鄂渚豈無鞭不及腹之慮若云防江為急欲藉嵩之於鄂
渚經理然齊安正與武昌對如就彼措置防扼則藩籬壯而江面
安矣所謂欲係江南先守江北也當別擇鄂守徑令嵩之移司齊
安詔侍從兩省臺諫條陳邊事宗勉率合臺奏蜀之四路已失其
二成都隔絕莫知存亡諸司退保夔門未必能守襄漢昨失九郡
今郢破荆門又破江陵孤城何以能立兩淮之地人民奔逃并邑
邱墟嗚呼危哉陛下誠能亟下哀痛之詔以身率先深自貶損服
御飲宴一從簡儉放後宮浮食之女罷掖庭不急之費止錫賚絕
工役出內帑儲蓄以風動四方然後勸諭咸曉世臣隨力輸財以
佐公家之調度分上流淮西淮東為三帥而以江淮大帥總之或
因今任或擇長才分地而守聽令而行以公私之財分給四處俾
之招潰卒募流民之彊壯者以充遊兵以補運籍仍選沿流諸郡
將士為捍禦之圖猶可支吾不然將水陸俱下大合荆楚之眾擾

我上流江以南震蕩矣或謂其勢彊盛宜於講和欲出金縉以奉之是抱薪救火空國與敵矣進工部侍郎兼給事中仍侍講復上疏言陛下憂勤於路朝之頃而入爲宴安所移切劇於廣廈之間而退爲便佞所惑不聞減退宮女而嬪嬙已溢於昔時不聞褒錄功臣而節鉞先加於外戚不聞出內貲以犒戰士而金帛多靡於浮費陛下之舉動人心所視以爲卷舒者也陛下旣不以爲憂則誰復爲陛下憂擢諫議大夫兼侍讀首言邊事當增兵防托上流又言求諫非難而受諫爲難受諫非難而從諫爲難苟聞之不以爲戒玩之不以爲信卒使危言鯁論無益於世用無裨於時危其與拒諫者相去一間耳進端明殿學士同簽書樞密院事未幾進簽書時王楫復求歲幣銀絹各二十萬宗勉言輕諾者多後患當守元約可也然比之開禧時物價騰湧奚啻倍徙矣史嵩之開督府力主和議宗勉言使者可疑者三曹之職在督戰如收復襄光控扼施澧招集山寨係固江流皆今所當爲若所主在和則凡有機會可乘不無退縮之意必至虛損歲月坐失事功進參知政事及拜左丞相兼樞密使守法度抑僥倖不私親黨召用老成尤樂聞讜言趙汝騰嘗以宗勉爲公清之相以光祿大夫觀文殿大學士致仕卒贈少師諡文清

袁甫字廣微寶文閣直學士燮之子嘉定七年進士第二簽書建康軍節度判官廳公事授祕書省正字入對論君天下不可一日無懼心今之可懼者大端有五端良者斥諂諛者用杜忠臣敢諫之門可懼也兵戈旣興餽餉不繼根本一虛則有蕭牆之憂可懼也陛下深居高拱羣臣奉行簿書獨運密謀之意勝而虛心咨訪之意微天下迫切之情無由上聞可懼也外患未弭內患方深而

熙熙然無異平時自謂雅量足以鎮浮不知宴安實為鳩毒可懼也陛下恭儉有餘剛斷不足庸夫儉人苟求富貴而未聞大明黜陟軍帥交結州郡賄賂皆自貴近化之可懼也其它禍幾亂萌不可悉數將何以答天譴召和氣哉次乞嚴守帥之選併大軍之權興屯田之利遷校書郎轉對言邊事之病不在外而在內偷安之根不去規模終不立壅蔽之根不去血脈終不通忌嫉之根不去將帥終不可擇欺誕之根不去兵財終不可治祖宗之御天下政事雖委中書然必擇風采著聞者為臺諫敢於論駁者為給舍所以戒官邪肅朝綱也今日誠體是意以行之豈復有偷安壅蔽者哉出通判湖州考常平敝原以增積貯核隱產增附嬰兒局遷祕書郎尋遷著作佐郎知徽州治先教化崇學校訪便民事上之請蠲減婺源緡絹萬七千餘匹茶租折帛錢萬五千餘貫月椿錢六千餘貫請照咸平紹興乾道寬恤指揮受納徽緡定每匹十兩請下轉運常平兩司豫蓄常平義倉備荒興脩陂塘勸築百梁不父憂服除知衢州立旬講務以理義淑士心歲撥助養士千緡西安龍游常山三邑積窳預借為代輸三萬五千緡蠲放四萬七千緡郡有義莊買良田二百畝益之移提舉江東常平適歲旱亟發庫庾之積凡州縣窳名隸倉司者無新舊皆住催為錢六萬一千緡米十有三萬七千麥五千八百石遣官分行振濟饑者予粟病者予藥尺籍之單弱者市民之失業者皆曲軫之又告于朝曰江東或水而旱或旱而水重以雨雪連月道殣相望至有舉家枕藉而歿者此去麥熟尚賒事勢益急詔給度牒百道助費時江閩寇迫饒信慮民情易動分榜諭安之檄諸郡關制司聞于朝為保境捍患之圖寇迄不犯遂提點本路刑獄兼提舉移司番陽霜殺桑春

夏雨久湖溢諸郡被水連請于朝給度牒二百道振恤之盜起常
山調它州兵千人屯廣信以爲備都城大火上封事言上下不交
以言爲諱天意人心實同一機災變之作端由於此願下哀痛之
詔以回天意詔求直言復上疏言災起都邑天意蓋欲陛下因其
所可見察其所不可見行至公無私之心全保護大臣之體率屬
羣工大明黜陟與天下更始行部問民疾苦薦循良劾姦貪決滯
獄所至詣學宮講說勅書院貴溪之南祠先儒陸九淵歲大旱請
于朝得度牒緡錢綾紙以助振恤疫癘大作勅藥院療之前後持
節江東五年所活殆不可數計轉將作監領事如故繼力辭常平
事彗星見詔求直言上疏言皇天所以震怒者由愁苦之民獄人
民所以愁苦者由貪官之風熾願一變上下交征之習爲大公至
正之歸帝親政以直徽猷閣知建寧府明年兼福建轉運判官閩
鹽隸漕司例運兩綱供費後增至十有二更卒竝緣爲姦且抑州
縣變賣公私苦之甫奏復舊例丁米錢久爲泉漳興化民患會知
漳州趙以夫請以廢寺租爲民代輸甫并捐三郡歲解本司錢二
萬七千貫助之郡屯左翼軍本備峒寇招捕司移之江西甫檄使
還營俄寇作唐石卽調之以行而賊悉平遷祕書少監入見帝曰
卿久勞于外篤意愛民每覽所陳備見懇惻甫奏無逸之義言知
農夫稼穡艱難自然逸欲之念不起乞力守更化以來求賢如不
及之初意遷起居舍人兼崇政殿說書於經筵奏剛之一字最切
於陛下陛下徒有慕漢宣厲精爲治之名而乃墮元帝文宗柔弱
不振之失元帝文宗果斷不用於斥邪佞反用於逐賢人此二君
不識剛德之真所謂真剛者當爲之事必行不當爲者則斷在勿
行又乞專意經訓養育精神務令充實上與天一下合人心帝意

欲全功臣之世詔自今中外臣僚奏事毋得摺撫以奏是消天下
讜言之氣其謂陛下何兼中書舍人繳奏不撓肯少謂監司郡守
非其人則一道一州之蠹也時相鄭清之以國用不足履臥使輸
券甫奏避貴虐賤有力者頑未應命而追呼迫促破家蕩產悲痛
無聊者大抵皆中下之戶嘗請罷帝問近事甫奏惟履畝事人心
最不悅又嘗讀資治通鑑至漢高祖入關辭秦民牛酒因奏今日
無以予人反橫科之其心喜乎怒乎本朝立國以仁陛下以爲此
舉仁乎否乎帝爲惻然時朝廷以邊事爲憂史嵩之帥江西力主
和議甫奏曰臣與嵩之居同里未嘗相知而嵩之父彌忠則與臣
有故嵩之易於主和彌忠每戒其輕易今朝廷甘心用父子異心
之人臣謂不特嵩之之易於主和抑朝廷亦未免易於用人也疏
入不報遂乞歸不允授起居郎兼中書舍人未幾擢嵩之刑部尚
書復奏疏云臣於嵩之本無仇怨但國事所係詎難緘默嵩之詰
命終不與書行迺出甫知江州王遂抗疏力爭帝曰本以授其兄
袁肅報行誤耳令遂勉甫無它志翼日迺與肅江州而殿中侍御
史徐清叟復論甫守富沙日賊六十萬湯巾等又爭之清叟亦悔
未幾改知婺州不拜嘉熙元年遷中書舍人入見陳心源之說帝
問邊事甫奏當以上流爲急議和恐誤事時清叟與甫並召而清
叟未至甫奏臺諫風聞言事初亦何心今人物眇然有如清叟宜
在朝廷辭避實惟臣故乞趣其赴闕又奏備邊四事曰固江陵堰
瓦梁與流民復業嵩之移京湖沿江制置使知鄂州甫奏曰嵩之
輕脫難信去年嵩之在淮西王楫由淮西而來北軍踵之今又併
湖南付之臣恐其復以誤淮西者誤湖南疏畱中不行翼日權吏
部侍郎引疾至八疏賜告一月遂歸從臣復合奏留之尋命兼脩

玉牒官兼國子祭酒皆辭不拜改知嘉興府知婺州皆辭不拜遷
兵部侍郎入見奏江潮暴涌旱魃為虐楮幣蝕其心腹大敵剝其
四支危亾之禍近在旦夕乞秉一德塞邪徑兼給事中岳珂以知
兵財召甫奏珂總餉二十年焚林竭澤珂竟從外補遷吏部侍郎
兼國子祭酒日召諸生叩其問學理義講習之益時邊遽日至甫
條十事至為詳明權兵部尚書暫兼吏部尚書卒贈通奉大夫諡
正肅有孝說孟子解後省封駁信安志江東荒政錄防拓錄樂事
錄及文集行世甫少服父訓謂學者當師聖人以自得為貴又從
楊簡問學自謂吾觀草木之發生聽禽鳥之和鳴與我心契其樂
無涯云

劉黻字聲伯樂清人早有令聞讀書鴈蕩山中僧寺年十七四以
淳祐十年試入太學儕輩已翕然稱之時五大金方為臺屬劾奏
丞相董槐迫逐去國將奪其位黻率同舍生伏闕上書大槩言朝
廷進退大臣須當以禮書上忤執政送南安軍安置歸別其母解
氏解氏曰為臣外忠以直被貶分也速行黻至南安盡取濂洛諸
子之書摘其精切之語輯成書十卷名曰濂洛論語及大金貶黻
還太學未幾侍御史陳垓誣劾程公許右正言蔡榮誣劾黃之純
二公罷出六館相顧失色黻又率諸生上書言黻等蒙被教養視
國家休戚利害若已痛癢朝廷進一君子臺諫發一公論則彈冠
相慶喜溢肺膺至若君子鬱而不獲用公論沮而不克伸則憂憤
忡結寢食俱廢臣聞扶植宗社在君子扶植君子在公論陛下在
位幾三十年端平間公正萃朝忠讜接武天下翕然曰此小元祐
也淳祐初大姦屏迹善類在位天下又翕然曰此又一端平也奈
何年來培養保護之初心不能不為之轉移祖宗建置臺諫本以

伸君子而折小人昌公論而杜私說迺今老饕自肆姦種相仍以
諂諛承風旨以傾險設機阱以澆忍盜官爵陛下非不識拔羣賢
彼則忍於空君子之黨陛下非不容受直言彼則勇於倒公議之
戈不知陛下何負此輩而彼乃負陛下至此取當陛下詔起彙髦
之秋而公許起自家食正君子視之以爲進退之機迺坐席未
溫彈章已止公許去若未害也臣恐草野諸賢見幾深遁而君
子之脈自此絕矣此年朋邪扇煽緘默成風奏事者不過襲陳雷
應故事而已幸而之純兩疏差彊人意迺輒媚者金身鯁直者
去國一之純去若未害也臣恐道路以目欲言輒沮而公論之脈
自此絕矣況今天下可言之事不爲少可攻之惡不爲不多術窮
桑孔浸有逼上之嫌勢挾金張濫處牧民之職以乳臭驥子而躡
登從橐以光範私人而累典輔藩錢神通靈於旁蹊公器反類於
互市天下皆知之豈陛下獨不知之正惟爲陛下紀綱者知爲身
謀不爲陛下謀陛下明燭事幾詎可墮此輩蒙蔽術中何忍以祖
宗三百年風憲之司而壞於一二小人之手耶臣汝騰陛下之劉
向也則以忠鯁斥臣子才臣棟臣伯玉陛下之汲黯也則以切直
罷遂使涓祐諸君子日消月磨至今幾爲之一空彼誠何心哉高
宗紹興三十年之詔有謂臺諫風憲之地年來用人非據與大臣
爲友黨濟其喜怒甚非耳目之寄臣竊觀近事不獨臺諫爲大臣
友黨內簡相傳風旨相諭且甘爲鷹犬而聽其指喉焉宰相所不
樂者外若示以優容而陰實頤指臺諫以去之臺諫所彈擊者外
若不相爲謀而陰實奉承宰相以行之方公許之召也天下皆知
獨斷於宸衷及公許之來也天下亦知嘗得罪於時宰豈料陛下
之恩終不足恃宰相之噴竟不可逃耶陛下萬機之暇試以公許

之純與瑛榮等熟思而靜評之其言論孰正孰邪孰忠孰佞雖中
智以不之主猶知判別是非況以陛下明聖而顧不察此近見公
許奏疏嘗告陛下揭至公以示天下瑛則以秘密之說惑上聽公
許嘗告陛下以寵賂日章官邪無警欲塞侍門絕曲徑瑛則縱俠
客以兜攬關節持闊扁以脅取舉狀開賂門以簸弄按章至若之
純之告陛下力伸邪正之辯明斥媚相之非譽審諤謬流出肺腑
榮身居言責聞其風聲自當愧死尚敢妄肆斐賂無人心采且
陛下擢用臺諫若臣磊卿臣咨夔臣應起臣漢弼臣凱臣燧光明
俊偉卓爲天下稱首然甫入而遽遷或一鳴而輒斥獨瑛榮輩貪
饕頑忍久汙要津根據而不拔劉向所謂用賢轉石去佞拔山者
乃今見之可不畏哉矧今國嗣未正事會方殷民生膏血脰削殆
盡所賴以祈天命係人心惟君子與公論一脈耳小人以不恤之
心爲無忌憚之事其意不過欲爵位日高權勢日盛以富貴遺子
孫耳豈暇爲國家計哉自昔天下之患莫大於舉朝無公論空國
無君子我朝本無大失德於天下而乃有宣靖之禍夫豈無其故
哉始則邪正交攻更出迭入中則朋邪翼爲陰陷潛詆終則倒置
是非變亂黑白不至於黨禍不止向使劉安世陳瓘諸賢尙無恙
楊畏張商英周秩輩不久據臺綱其禍豈至此烈古語云前車覆
後車戒今朝廷善類無幾心懷姦險者則以文藻飾佞舌志在依
違者則以首鼠持圓機宗社大計孰有明目張膽爲陛下伸一喙
者則其勢必終於空國無君子舉朝無公論無君子無公論脫有
緩急彼一二儉人者陛下獨可倚仗之乎若瑛之辜又浮於榮雖
兩觀之誅四裔之投猶爲輕典陛下留之一日則長一日之禍異
時雖借尙方劔以礪其首尙何救於國事之萬一哉又曰自昔大

竅巨孽投閑散地惟覘朝廷意向以圖進用之機元祐間章惇呂惠卿皆在貶所自呂大防用楊畏爲御史初意不過信用私人牢護局面不知小人得志搖唇鼓吻一時正人旋被斥逐繼而章惇復柄用雖大防亦不能安其身於朝廷之上今右轄久虛姦臣垂涎有日矣聞之道路餽遺不止於鞭鞞脈絡潛通於禁近正陛下明察事機之時若公論不明正人引去則遲回展轉鈞衡重寄必歸於章惇等乃止今日之天下乃祖宗艱難積累之天下豈堪此輩再壞耶又諫游幸疏曰天下有道人主以憂勤而忘逸樂天下無道人主以逸樂而忘憂勤自昔國家乂安四夷賓服享國日久侈心漸生若漢武帝之單于震讐而有千門萬戶之觀唐明皇之北邊無事而有驪山溫泉之幸至於隋之煬帝陳之後主危亡日迫遊觀無度不足效也堯舜禹湯文武之兢業祇懼終始憂勤無逸言遊畋則不敢日昃則不暇食曷嘗借祈禳之說以事遊觀之逸比年以來以幸爲利以玩爲常未免有輕視世故眇忽天下之心單于未嘗震讐而有武帝多欲之費耗北邊未嘗無事而有明皇宴安之鳩毒陛下春秋尙少貽謀垂憲之機悉在陛下作而不法後嗣何觀自十數年間創龍翔創集慶創西太一而又示之以遊幸導之以禱祠蠱之以虛誕不經之說孔子曰少成若天性習慣如自然積久慣熟牢不可破誰得而正之且西太一之役佞者進曰太一所臨分野則爲福近歲自吳移蜀信如祈禳之說西北坤維按堵可也今五六十州安全者不能十數敗降者相繼福何在邪武帝祠太一於長安至晚年以虛耗受禍而後悔方士之繆雖其悔之弗早猶愈於終不知悔者也夫凡人主不能無過脫有過言過行宰執侍從當言之給舍臺諫當言之縉紳士大夫當言

之皆所以納君於當道者也。今陛下未爲不知道，未爲不受人言。宰執以下希寵而不言，與夫言之而不力，皆非所以愛陛下也。其心豈以此爲當而不必言哉？直以陛下爲不足以望堯舜禹湯文武之主，而以漢武明皇待陛下也。以材署昭慶軍節度掌書記，由學官試館職，咸治三年，拜監察御史，論內降恩澤，曰：治天下之要，莫先於謹命令。謹命令之要，莫先於室內批命令。帝王之樞機，必經中書參試門下封駁，然後付尚書省施行。凡不由三省施行者，名曰斜封墨敕，不足效也。臣觀陛下自郊祀慶成以來，恩數綢繆，指揮煩數，今日內批，明日內批，邸報之間，以內批行者，居其半。竊爲陛下惜之。出納朕命，載於書，出納王命，詠於詩，不專言出而必言納者，益以命令繫朝廷之大，不能皆中乎理。於是出而復有納焉。祖宗時，禁中處分軍國事，付外者謂之內批，如取太原、下江、南、韓琦、袖以進，呈英宗，悚然避坐。此豈非謹內批之原哉？臣日夜念此，以爲官爵陛下之官爵，三省陛下之三省，所謂同奉聖旨，則是三省之出命，卽出陛下之命也。豈必內批而後爲恩緣情起事，以義制欲，某事當行，某事當息，具有條貫，何不自三省行之？其有未穆於公論者，許令執奏，願不趨歟？元祐間，三省言李用和等改官移鎮恩例，今高氏朱氏皆舉故事。皇太后曰：外家恩澤，方欲除損，又可增長乎？治平初，欲加曹偁使相，皇太后再三不許。又有聖旨，令皇后本家分析親的骨肉，聞奏亦與推恩。司馬光力諫，以爲皇太后旣損抑外親，則后族亦恐未宜褒進。乃令前之恩數未竟，後之恩數已乘宰執懼有所專，而不敢奏，給舍臺諫懼有所忤，而不敢言。更如此者，數年將何以爲國？故政事由中書，則治不由中書，則亂。天下事當與天下共之，非人主所得私也。四年，改正字。

言正學不明則義理日微異端不息則鼓惑轉熾臣非不知犯顏
逆耳臣子所難實以君德世道重有關繫不容不懇惻開陳疏上
踰且未蒙付外孟軻有云有言責者不得其言則去臣忝職諫省
義當盡言今既不得其言若更貪慕恩榮不思引去不惟有負朝
廷設官之意其於孟軻明訓實亦有慊會丁父憂去位服除授集
英殿修撰沿海制置知慶元府事建濟民莊以濟士民之急資貢
士春官之費備郡庠耆老緩急之需又請建慈湖書院八年召還
拜刑部侍郎九年改朝奉郎試吏部尙書兼工部尙書兼中書舍
人兼修玉牒兼侍讀上疏請給玉十朋祠堂田土十年丁母憂明
平江上濱師丞相陳宥中起復徽爲端明殿學士不起及賈似道
韓震外宥中謀擁二王由溫州入海以兵逆徽其政將遜相位於
是徽託宗祀於母弟成伯遂起及羅深以疾卒初陳宥中夢人告

之曰今年天災流行人外且半服大黃者生繼而疫癘大作服者
果得不外及徽病宥中令服之終莫能救其配林氏舉家蹈海未
幾海上事亦瓦解矣徽有蒙川集十卷行于世

王居安字資道黃巖人始名居敬字簡卿避祧廟嫌易之始能言
讀孝經有從旁指曰噫此乎卽荅曰夫子教人孝耳劉孝臈七月
八日過其家塾見居安異凡兒使賦八夕詩援筆成之有思致孝
臈驚拊其背曰子異日名位必過我入太學清熙十四年舉進士
授徽州推官連遭內外艱柄國者以居安十年不調將徑授職事
官居安自請試民事乃授江東提刑司幹官使者王厚之厲鋒氣
人莫敢嬰居安遇事有不可平面力爭不少屈入爲國子正大學
博士入對首言人主當以知人安民爲要人未易知必擇宰輔侍
從之賢使引其類民未易安必求愷悌循良之吏以布其澤次言

火政不修，皇在京尹，軍律不明，皇在殿步，兩司臯鈞異罰，固不可安。有薄罰一步帥而二人置弗問乎？遷校書郎居安，乞召試言。祖宗時，惟進士第一不試。蘇軾以高科負重名，英宗欲授館職。韓琦猶執不從，執政謂居安曰：「朝廷於節度尚不較，況館職乎？」居安因言節鉞之重，文非位極，武非勳高，胡可妄得？丞相言不較過矣。時蘇師且命，且下故居安言及之，改司農丞，御史迎意論劾。主管仙都觀，踰年起知興化軍。既至，條奏便民事，乞行經界，且言蕃舶多得香犀象翠，崇侈俗，洩銅錫，有損無益，宜遏絕禁止。皆要務也。通商賈以損米價，誅劇盜以去民害，召為祕書丞，轉對言置宣司，不聞進取之良規，遣小使寂無確許之實報，但當嚴飭守備，益兵據險以待之。此廟算之上也。李璽嘗語人曰：「比年論疆事無若王祕丞之明白者。」遷著作郎兼國史實錄院檢討，編修官兼權考功郎官。誅韓侂胄，居安實贊其決。龔日權右司諫，自論侂胄以預聞內禪之功，竊取大權，童奴濫授以節鉞，嬖妾竄籍於官庭，劫造亭館，震驚太廟之山，燕樂語笑徹聞神御之所，忽慢宗廟，皇宜萬外託以大臣之薦，盡取軍國之權，臺諫侍從惟意是用，不恤公議親黨，姻婭躐取美官，不問流品，名器僭濫，動違成法，竊弄威柄，妄開邊隙，自兵端一啟，南北生靈壯者死鋒刃，弱者填溝壑，荆襄兩淮之地，暴尸盈野，號哭震天，軍需百費，科擾州縣，海內騷然，迹其臯狀，人怨神怒，眾情洶洶，物議沸騰，而侂胄箝制中外，罔使陛下聞知。宦官宮妾皆其私人，莫可為陛下言者。西蜀吳氏世掌重兵，頃緣吳挺之外，朝廷取其兵柄，改畀它將，其策至善。侂胄與曦結為外黨，假之節鉞，復授以全蜀兵權，曦之叛逆，臯將誰歸？使曦不為侂胄未可知也。侂胄數年之間，位極三公，列爵為王，外則專制東西

二府之權內則窺伺宮禁之嚴姦心逆節具有顯狀縱使侂冑身膏斧鉞猶有餘辜况兵燹未解朝廷儻不明正典刑何以昭國法何以示敵人何以謝天下今誠取侂冑肆諸市朝是戮一人而千萬人獲安其生也侂冑既有非常之辜當伏非常之誅詎可以當典論哉右丞相陳自強素行汙濁老益貪鄙徒以貧賤私交自一縣丞超遷徑至宰輔姦愴附麗黷亂國經較其辜惡與侂冑相去無幾乞追責遠竄以為為臣不忠朋邪誤國者之戒又劾曦外甥郭倪郭侯竄嶺表天下快之繼兼侍講秀侂冑用事籍天下之口使不得議已大府寺丞呂祖儉以謫外布衣呂祖泰上書直書中以危法流之遠郡居安奏請明其冤以伸忠鯁之氣又疏言古今之治本亂階更為倚伏以治易亂則反掌而可治以亂治亂則亂去而復生人主公聽則治偏信則亂政事歸外朝則治歸內廷則亂問百辟士大夫則治問左右近習則亂大臣公心無黨則治植黨行私則亂大臣正小臣廉則治大臣汙小臣貪則亂如用人稍誤是一侂冑外一侂冑生也趙彥逾與樓鑰林大中章燮竝召居安言鑰與大中用宗廟社稷之靈天下蒼生之福彥逾不可與之同日而語彥逾始以趙汝愚不與同列政地遂啟侂冑專政之謀汝愚之斥外彥逾之力居多而彥逾者汝愚之舉人也陛下乃使與二人者同升不幾於薰蕕同器邪正竝用乎非所以示趨向於天下也疏已具有微聞者除日夜下遷起居郎兼崇政殿說書於是為諫官才十有八日既供職即直前奏曰陛下特遷臣柱下史者豈非欲使臣不得言耶三史得直前奏事祖宗法也遂極論之又言臣為陛下耳目官諫紙未乾乃以逆權要徙它職不得其言則去臣不復留矣帝為改容御史中丞雷孝友論其越職奪一官

罷太學諸生有舉觸乞畱者四明楊簡避還山陰道中謂此舉吾道增重江陵項安世致書曰在史人中龍也踰年復官知太平州當邊遽雨定歲儉汰去軍羣聚寇攘居安威惠流行晏然若無事時將副劉佑爲怨家詣闕告密置獄金陵居安以書抵當路辯其冤或謂佑自誣服得無嫌於黨逆乎居安曰郡有無辜歟奚以守爲事果自以直龍圖閣提點浙西刑獄葛懌者用戚屬恩補官豪於貨嘗憾父之變旣去而誣以盜株連煥歿者數人懌乃未嘗一造庭居安一閱得實立捕繫論梟械送它州入對帝曰卿有用之才也權工部侍郎以集英殿修撰知隆興府初盜起郴黑風峒羅世傳爲之倡勢張甚湖南所在發兵扼要衝義于表裏應援賊乏食少懈主兵者稍堅持之則就禽矣會江西帥欲以買降爲功遣人問道說賊餽鹽與糧賊喜謀益逞帥以病卒繼者蹈其敝賊陰

洽械外送款身受官峒中不至公府義丁皆患曰作賊者得官我輩捐軀壞產業何所得於是五合六聚各以峒名其鄉李元勵陳廷佐之徒竝起爲賊矣放兵四劫據永新撤龍泉江西列城皆震朝廷調江鄂之兵屯衡嶺而他兵駐龍泉者命吉守節制焉吉守率師往幾爲賊困池兵來援失利朝廷憂之遂以居安爲帥居安以書曉都統制許俊曰賊勝則民皆爲賊官軍勝則賊皆爲民勢之翕張決於此舉將軍素以勇名挫於山賊可乎俊得書皇恐不敢以它帥事居安居安督戰于黃山勝之賊始懼走韶州爲摧鋒軍所敗勢日蹙吉守前以戰不利用招降之策遣吏持受降圖來書賊銜江湖兩路大都統居安笑曰賊玩侮如此猶爲國有人乎白諸朝吉守以祠去遂命居安節制江池大軍駐廬陵督捕領郡事召土豪問便安皆言賊恃險陟降如猿猱若鈔吾糧吾事危矣

居安曰吾自有以破賊會元勵執練木橋賊首李才全至居安厚待才全而賞元勵眾皆感羅世傳果疑元勵之貳已遂交惡元勵率眾攻世傳居安語俊曰兩虎鬪于穴吾可成卞莊子之功世傳嗾練木橋賊黨襲元勵俘其孥禽元勵以獻時青草峒賊亦就禽竝磔于吉之南門元勵既誅世傳以功負恃益驕蹇名效順而實自保俊請班師居安不許俾因賊堡壁固守居亾何世傳果與兄世祿俱叛居安奏乞朝廷毋憂今落其角距可一戰禽也乃密爲方略遣官民兵合圍之世傳自經死斬其首以徇羣盜次第平居安之在軍中也賞厚罰明將吏盡力始終用以賊擊賊之策故兵民無傷者江西人祠而祝之刻石紀功徙鎮襄陽以言者罷閒居十有一年嘉定十五年與魏了翁同召遷工部侍郎時方受寶中朝皆動色相賀入對首言人主畏無難而不畏多難輿地寶玉之歸蓋思當時之所以失言極切至甫兩月以集英殿修撰提舉玉隆宮未幾以寶謨閣待制知溫州郡政大舉理宗卽位以敷文閣待制知福州升龍圖閣直學士轉大中大夫提舉崇福宮將行鹽寇起寧化居安以書諭汀守曰土瘠民貧業於鹽可盡禁耶且彼執三首惡以自贖宜治此三人它可勿治部使者遣左翼軍將鄧起提兵往起貪夜冒險與寇角以歿軍潰民相驚逃去事聞命居安專任招捕居安旣留募軍校劉華邱銳者授以計畫至汀而賊已至郡矣州人大懼賊知帥有撫納意卽引退華銳出入賊中指期約降有以右班攝汀守者倔彊好大言以知兵自任欲出不意爲己功賊知其謀敗降約而建劔諸郡竝江西嘯聚蜂起矣居安議不合歎曰吾可復求焦頭爛額之功耶卽拜疏歸居安以書生於兵事不學而能必誅峒寇而降汀寇皆非苟然者卒累贈少保

居安宅心公明待物不貳有方嚴集行世
論曰李宗勉在庶僚論事平直及入相負公清之稱袁甫學有本
原善達其用持節所過其民至今思之劉黻分別邪正侃侃敢言
亦難能者王居安掃除羣邪以匡王國其志壯哉

庚申二月二十七日校

宋史卷四百五 終

宋史卷四百六

列傳第一百六十五

崔與之

洪咨夔

許奕

陳居仁

劉漢卿

崔與之字正子廣州人父世明試有司連黜每曰不為宰相則為
良醫遂究心岐黃之書貧者療之不受直與之少卓犖有奇節不
遠數千里遊太學紹熙四年舉進士廣之士繇太學取科第自與
之始授潯州司法參軍常平倉久弗葺慮雨壞米撤居廨瓦覆之
郡守欲移兌常平之積堅不可守敬服更薦之調淮西提刑司檢
法官民有窘於豪民逋負毆死其子誣之者其長欲流之與之曰
小民計出倉猝忍使一家轉徙乎況故殺子孫罪止徒卒從之知
建昌之新城歲適大歉有彊發民廩者執其首折手足以徇盜為

止勸分有法貧富安之開禧用兵軍旅所需天下騷然與之獨買以係省錢吏告月解不登曰盜罷去和糴令下與之獨以時賈糴令民自槩通判邕州守武人苛刻衣賜不時給諸卒大鬩漕司檄與之攝守叛者帖然乃密訪其首事一人斬之闔郡以盜擢發遣賓州軍事郡政清簡尋特授廣西提點刑獄徧歷所部至浮海巡朱崖秋毫無擾州縣而停車裁決獎廉劾貪風采凜然朱崖地產苦菘民或取葉以代茗州郡征之歲五百緡瓊人以吉貝織爲衣衾工作皆婦人役之有至期年者棄稚違老民尤苦之與之皆爲榜免其它利痰罷行甚眾瓊之人次其事爲海上澄清錄嶺海去天萬里用刑慘酷貪吏厲民迺疏爲十事申論而痛懲之高惟肖嘗刻之號嶺海便民榜廣右僻縣多右選攝事者類多貪黷與之請援廣東循梅諸邑減舉員賞格以勸選人熙寧免役之法獨不及海外四州民破家相望與之議舉行未果以語顏幾幾守瓊遂行之召爲金部員外郎時郎官多養資望不省事與之鉅細必親省決吏爲欺者必杖之莫不震栗金南遷于汴朝議疑其進迫特授直寶謨閣權發遣揚州事主管淮東安撫司公事寧宗宣引入內親遣之奏選守將集民兵爲邊防第一事既至浚濠廣十有二丈深二丈西城濠勢低因疏塘水以限戎馬開月河置釣橋州城與堡砦城不相屬舊築夾土城往來爲易以篋因滁有山林之阻創五砦結忠義民兵金人犯淮西沿邊之民得附山自固金人亦疑設伏自是不敢深入揚州兵久不練分彊勇鎮淮兩軍月以三八日習馬射令所部兵皆傲行之淮民多畜馬善射欲依萬弩手法創萬馬社募民爲之宰相不果行浙東饑流民渡江與之開門撫納所活萬餘楚州工役繁夥士卒苦之叛入射陽湖亡命多從

之者與之給旗帖招之眾聞呼皆至首謀者獨遲疑不前禽戮之
分其餘隸諸軍出東李全以眾來歸與之移書宰相謂自昔召外
兵以集事者必有後憂宰相欲圖邊功諸將皆懷僥倖都統劉瑒
承密劄取泗州兵渡淮而後牒報瑒全軍覆沒與之憂憤馳書宰
相言與之乘鄣五年子養士卒今以萬人之命壞於一夫之手敵
將乘勝襲我金人入境宰相連遺與之三書俾議和與之荅曰彼
方得勢而我與之和必遭屈辱今山砦相望邊民米麥已盡輸藏
野無可掠諸軍與山砦併力勦逐勢必不能久駐況東海漣水已
爲我有山東歸順之徒已爲我用一旦議和則漣海二邑若爲區
處山東諸酋若爲措置望別選通才以任和議與之自劉瑒敗亟
修守戰備遣精銳布要害金人深入無功而和議亦寢時議將姑
闕兩淮制置命兩淮帥臣互相爲援與之啟廟堂曰兩淮分任其
責而無制闕總其權則東淮有警西帥果能疾馳往救乎東帥亦
果能疾馳往救西淮乎制闕俯瞰兩淮特一水之隔文移往來朝
發夕至無制闕則事事稟命朝廷必稽緩誤事矣議遂寢召爲祕
書少監軍民遮道垂涕與之力辭召命竟還將度嶺趣召不已行
次池口聞金人至邊乃造朝奏今邊聲可慮者非一惟山東忠義
區處要不容緩前後累疏數千言每歎養虎將自遺患升祕書監
兼太子侍講權工部侍郎未幾成都帥董居諒以黷貨爲叛卒所
逐總領楊九鼎遇害蜀大擾與之以選爲煥章閣待制知成都府
本路安撫使至卽帖然時安丙握蜀重兵久每忌蜀帥之自東南
來者至是獨推誠相與丙卒詔盡護四蜀之師開誠布公兼用吳
蜀之士拊循將士人心悅服先是軍政不立戎帥多不協和劉昌
祖在西和王大才在沔州大才之兵屢屺昌祖不救遂棄阜郊吳

政屯鳳州張威屯西和金人自白還堡突入黑谷威不尾襲而迂
路由七方關上青野原金人遂得入鳳州與之戒以同心體國之
大義於是戎帥協和而軍政始立先是丙嘗納夏人合從之請會
師攻秦鞏而夏人不至遂有阜郊之敗與之至是飭邊將不得輕
納踰年夏人復攻金人遣百騎入鳳州邀守將求援兵與之使都
統李冲來言曰通問當遣介持書不當遣兵徑入若邊民不相悉
或有相傷則失兩國之好宜斂兵退屯夏人知不可動不復有言
初金人既弊率眾南歸者所在而有或疑不敢納與之優加爵賞
以來之未幾金萬戶呼延棧等扣洋州以歸與之察其誠納之籍
其兵千餘人皆精悍善戰金人自是不敢窺興元既復鏤榜邊關
開諭招納金人謀得之自是上下相疑多所屠戮人無固志以至
於亾蜀盛時四戎司馬萬五千有奇開禧後女丙裁去三之一嘉
定損耗過半比興之至馬僅五千與之移檄茶馬司許戎司自於
關外收市如舊嚴私商之禁給細茶增馬價使無爲金人所邀總
司之給料不足者亦移檄增給之乞移大帥於興元雖不果行而
凡關外林木厚加封殖以防金人突至隔第關盤車嶺皆極邊號
天險因厚間探者賞使覘之動息悉知邊防益密總計告匱首撥
成都府等錢百五十萬緡助糴本又慮關外歲糴不多運米三十
萬石積沔州倉以備不測初至府庫錢僅萬餘其後至千餘萬金
帛稱是蜀知名士若家大西游似李性傳李心傳度正之徒皆薦
達之其有名浮於實用過其才者亦歷歷以爲言沔帥趙彥呐方
有時名與之獨察其大言亾實它日誤事者必此人移書廟堂欲
因乞祠而從之不可付以邊藩之寄後果如其言與之以疾丐歸
朝廷以鄭損代既受代金諜知之犬入與之再爲臨邊金人乃退

召爲禮部尚書不拜便道還廣蜀人思之肖其像於成都仙遊閣以配張詠趙抃名三賢祠理宗卽位授充顯謨閣直學士知潭州湖南安撫使辭提舉西京嵩山崇福宮遷煥章閣學士知隆興府江西安撫使又辭授徽猷閣學士提舉南京鴻慶宮端平初帝旣親政召爲吏部尚書數以御筆起之皆力辭金匱朝廷議取三京聞之頓足浩歎繼而授端明殿學士提舉嵩山崇福宮亦辭俄授廣東經略安撫使兼知廣州先是廣州摧鋒軍遠戍建康畱四年比撤戍歸未踰嶺就留戍江西又四年轉戰所向皆捷而上功幕府不報求撤戍又不報遂相率倡亂縱火惠陽郡長驅至廣州城聲言欲得連帥泊幕屬甘心焉與之家居肩輿登城叛兵望之俯伏聽命曉以逆順禍福其徒皆釋甲而首謀數人懼事定獨受禍遂率之遁去入古端州以自固至是與之聞命亟拜卽家治事屬

提刑彭鉉討捕潛移密運人無知者俄而新調諸軍畢集賊戰敗請降桀黠不悛者戮之其餘分隸諸州帝於是注想彌切拜參知政事拜右丞相皆力辭乃訪以政事之孰當罷行人才之孰當用舍與之力疾奏天生人才自足以供一代之用惟辨其君子小人而已忠實而有才者上也才雖不高而忠實有守者次也用人之道無越於此蓋忠實之才謂之有德而有才者也若以君子爲無才必欲求有才者用之意嚮或差名實無別君子小人消長之勢基於此矣陛下勵精更始擢用老成然以正人爲迂闊而疑其難以集事以忠言爲矯激而疑其近於好名任之不專信之不篤或謂世數將衰則人才先已凋謝如真德秀洪咨夔魏了翁方此柄用相繼而去天意固不可曉至於敢諫之臣忠於爲國言未脫口斥逐隨之一去而不可復畱人才豈易得而輕棄如此陛下悟已

往而圖方來昨以直言去位者亟加峻擢補外者蚤與召還使天下明知陛下非疏遠正人非厭惡忠言一轉移力耳陛下收攬大權悉歸獨斷謂之獨斷者必是非利害胸中卓然有定見而後獨斷以行之比聞獨斷以來朝廷之事體愈輕宰相進擬多沮格不行或除命中出而宰相不與知立政造命之原失其要矣大抵獨斷當以兼聽爲先儻不兼聽而斷其勢必至於偏聽實爲亂階威令雖行於上而權柄潛移於下矣又曰邊臣主和朝廷雖知而未嘗明有施行憂邊之士剴切而言一鳴輒斥得非朝廷亦陰主之乎假使和而可保亦當議而行之可也又曰比年以變故層出盜賊跳梁雷雹震驚星辰乖異皆非細故京城之災七年而兩見豈數萬戶生靈皆獲罪於天者百姓有過在予一人此陛下所當凜凜惟有求直言可以裨助君德感格天心又曰戚畹舊僚凡有絲

髮黃緣者孰不乘間伺隙以求其所大欲近習之臣朝夕在側易於親昵而難於防閑司馬光謂內臣不可令其采訪外事及問以羣臣能否益干預之門自此始也若謂其所言出於無心豈知愛惡之私因此而入其於聖德寧無玷乎帝覽奏嘉歎趣召愈力控辭至十有三疏嘉熙三年乃得致仕以觀文殿大學士提舉洞霄宮自領鄉郡不受廩祿之入凡奉餘皆以均親黨夢時年八十有一遺戒不得作佛事累封至南海郡公諡清獻

洪咨夔字舜俞於潛人嘉定二年進士授如皋主簿尋試爲饒州教授作大治賦樓鑰賞識之授南外宗學教授以言去丁母憂服除應博學宏詞科直院莊夏舉自代崔與之帥淮東辟置幕府邊事纖悉爲盡力邱壽雋代與之爲帥金人犯六合揚州閉門設守咨夔亟詣壽雋言曰金人忌楚必未至揚乃先自示弱不特淮左

之人心動而金人且驕必來矣第當遠斥埃精間探簡士馬張外郡聲援而大開城門晏然如平時若金人果來犯某當身任之壽雋愧謝已而金人果遁山陽兼帥事青州張林請獻銅錢二十萬緡吝夔謂宐以所獻就犒其軍如唐魏博故事使無輕量中國心帥乃令輸其半林亦不復來與之帥成都請於帝授咨夔籍田令通判成都府與之爲制置使首檄咨夔自近辭曰今當開誠心布公道合西南人物以濟國事乃一未有聞而先及門生故吏是示人私也卒不受惟以通判職事往來效忠蜀人高之尋知龍州州歲貢麩金率科鑛戶咨夔曰將奉上乃厲民乎出官錢市之江油之民歲成邊復苦餽饌爲請于制漕司免之毀鄧艾祠更祠諸葛亮告其民曰毋事仇讎而忘父母還朝爲秘書郎遷金部員外郎會詔求直言慨然曰吾可以盡言悟主矣其父見其疏曰吾能契

茄子飯汝無憂史彌遠讀至濟王之死非陛下本心大悲擲于地轉考功員外郎轉對復言李全必爲國患於是臺諫李知孝梁成大交論鑄二秩讀書故山七年而彌遠死帝親政五日卽以禮部員外郎召入見乞養英明之氣及論君子小人之分帝問今日急務對以進君子而退小人開誠心而布公道且言在陛下一念堅疑又問在外人物對以崔與之護蜀而歸閒居十年終始全德之老臣若趣其來可爲朝廷重眞德秀魏了翁皆陛下所簡知當聚之本朝翼日與王遂竝拜監察御史咨夔感激知遇謂遂曰朝無親擢臺諫久矣要當極本窮原而先論之乃上疏曰臣歷考往古治亂之原權歸人主政出中書天下未有不治權不歸人主則廉級一夷綱常且不立奚政之問政不出中書則腹心無寄必轉而他屬奚權之攬此八政馭羣臣所以獨歸之王而詔之者必天官

豕宰也陛下親政以來威福操柄收還掌握揚廷出令震撼海宇天下始知有吾君元首既明股肱不容於自憤撤副封罷先行坐政事堂以治事天下始知有朝廷此其大權大政亦略舉矣然中書之敝端其大者有四一曰自用二曰自專三曰自私四曰自固願陛下於從容論道之頃宣示臣言俾大臣充初志而加定力懲往轍而圖方來以仰稱勵精更始之意帝嘉納之又首乞罷樞密使薛極以厲大臣之節章三上卒出之其他得罪清議者相繼劾去朝綱大振明年改元端平咨夔預乞於正月朔下詔求直言使人人得盡言無隱又乞令內職任之穹者各舉所知皆從之時登進諸儒以廣講讀說書之選咨夔言聖學之實所當講明而推行者有六一親睦本支二正始闔門三警肅侍御四審正邪用舍五儲養文武之才六憂根本無生事邀功又言常平義倉鹽課及苗

稅多取之敝京湖以八陵圖來上咨夔援紹興畱司奉表八陵及東晉大都督親謁五陵故事乞先詔制臣往省俟還別議朝祭又復以完顏守緒骨來獻時相侈大其事咨夔曰此朽骨耳函之以葬大理寺可也第當以金亾告九廟歸諸祖宗德澤況與大敵爲鄰抱虎枕蛟事變叵測顧可侈因人之獲使邊臣論功朝臣頌德且陛下知慕崇政受俘之元祐獨不鑒端門受降之崇寧乎然不果悉從擢殿中侍御史會王定入臺察力詆蔣重珍咨夔乃案定疾視善良乞罷之越三日左遷定而擢咨夔中書舍人尋兼權吏部侍郎與眞德秀同知貢舉俄兼直學士院時咨夔口瘍已深復上疏謂當引咎悔過且乞祠帝曰卿在朝多有裨益何輕去咨夔奏臣數備臺諫給舍皆不能過六月之師何補於朝臣病久當去去猶足裨風俗帝勉畱之遷吏部侍郎兼給事中奏比徇私成俗

化實未更所恃以一公鑠萬私者獨陛下耳而好樂營繕親厚近屬保護舊臣若未能無所繫累上在位踰一紀國本未立未有敢深言之者咨夔乞擇宗室子養之併爲濟王立後擢給事中史嵩之入相召赴闕下進刑部尚書拜翰林學士知制誥求去愈力加端明殿學士卒御筆洪咨夔鯁亮忠愨有助新政與執政恩例特贈兩官其遺文有兩漢詔令摩鈔春秋說外內制奏議詩文行于世

許奕字成子簡州人以父任主長江簿丁內艱免喪調涪城尉慶元五年寧宗親擢進士第一授簽書劔南東川節度判官未期年持所生父心喪召爲祕書省正字遷校書郎兼吳興郡王府教授尋遷祕書郎著作佐郎著作郎權考功郎官非報謁問疾不出遷起居舍人韓侂冑議開邊奕貽書曰今日之勢如元氣僅屬不足

以當寒暑之寇又因轉對論今日之急惟備邊而朝廷晏然百官充位如平時京西淮上之師敗同罰異總領王人也而聽宣撫司節制或爲參謀廟堂之議外廷莫得聞護聖之軍半發於外而禁衛單薄乞鞫勘賊吏永廢勿用特與放行以啟僥倖者宜加遏絕所言皆侂冑所不樂也蜀盜旣平以數居舍人宣撫四川奕謂使從中遣必淹時乃至旣又徒云犒師而不以旌別淑慝爲指無以慰蜀父老之望執政是其言又請遇朝會起居郎舍人分左右立如常儀前後殿坐侍立官御坐東南面西立可以獲聞聖訓傳示無極臣僚奏事亦不敢易詔下其疏討論之遣奕使金奕與骨肉死訣詣執政趣受指請行執政曰金人要索議未決者尙多今將奈何奕曰往集議時奕嘗謂增歲幣歸俘虜或可耳外此其可從乎不可行者當死守之尋遷起居郎兼權給事中以國事未濟力

辭不許金人聞奕名久禮迓甚恭方清暑離宮相距二十里至是特爲奕還內方射奕破的十有一乃卒行成還奏帝優勞久之奕復奏和不可恃宜葺紀綱練將卒使屈信進退之權復歸于我客有以使事賀者奕慨然曰是豈得已者吾深爲天下愧之權禮部侍郎條六事以獻俄兼侍講會諫官王居安傅伯成以言事去職奕上疏力爭之其後又因災異申言曰比年上下以言爲諱諫官無故而去者再矣以言名官且不得盡況疏遠乎又論用兵以來資賞汎濫僥倖捷出宜加裁制夏旱詔求言奕言當以實意行實政活民于外不可責償于禱祠之間而已也蝗至都城然後下禮寺講酺祭孰非王土顧及境而懼偶不至輦下則終不以爲災乎又曰權臣之誅也下至閭巷譴聲如雷蓋更化之初人有厚望久而無以相遠也此諂諂之所從生又曰內降非盛世事也玉璫進

狀不實而經營以求倖免裴仲何人驟爲帶御器械時應詔者甚眾奕言最爲剴切攝兼侍讀每進讀至古今治亂必參言時事願陛下試思設遇事若此當何以處之必拱默移時俟帝凝思乃徐竟其說帝曰如此則經筵不徒設矣遷吏部侍郎兼修玉牒官兼權給事中論駁十有六事皆貴族近習之撓政體者而封還劉德秀贈典高文虎之奉祠士論尤趨之加楊次山少保永陽郡王奕上疏曰自古外戚恩寵太甚鮮不禍咎天道惡盈理所必至次山果辭則宜從之如欲更示優恩則超轉少傅在陛下旣隆於恩在次山知止於義顧不休哉又言史彌遠力辭恩命宜從之以成其美疏入不報奕遂卧家求補外以顯謨閣待制知瀘州彌遠問所欲言奕曰比觀時事調護之功深扶持之意少非朝廷之利也嘉敘瀘俱接夷壤董蠻米在大入俘殺兵民四路創安邊司窮治其

事奕得夷人質之以致所掠由是遷安邊司夷酋王榮浮楛木萬計入買奕慮其蕩水陸之險驅之安撫使安丙新立大功讒忌日間宰相錢象祖出謗書問奕奕喟而言士不愛一死而困於眾多之口亦可悲也奕願以百口保之象祖艱然曰公悉安子文若此乎適宇文紹節宣撫荆湖還亦曰僕願亦百口以信許公之言於是異論頓息委寄益專奕於丙深相知而職事所關必反復辯數以求直其後士多畔丙奕獨以書疏候問愈數移知夔州表辭不行改知遂寧府捐緡錢數十萬以代民輸復鹽筴之利以養士爲浮梁作隄數百丈民德之畫像祠于學進龍圖閣待制加寶謨閣直學士知潼川府霖雨壞城撤而築之不以煩民亦捐緡錢十二萬爲十縣民代輸於是其民亦相與祠于東山僧舍會金人敗盟蜀道震擾奕請速選威望學大臣宣撫信賞必罰以獎忠義收人心

又言忠義之招體勢倒持兵食頓增未知攸濟且斬將之人未聞褒擢敗軍之將未見施行事勢不決將有後時之悔御史劾奕欺罔降一官詔提舉玉隆宮未數月特復元官提舉崇福宮還家草遺表曰自念本非衰病初染微痾當湯熨可去之時臣以疾而爲諱及鍼石已窮之後醫束手而莫圖靖言膏肓所致之由大抵脈絡不通之故皆寓諷諫之意進顯謨閣直學士致仕贈通議大夫初奕之守瀘帝顧禮部尙書章穎曰許奕已去乎起居舍人真德秀侍帝前論人才上以骨鯁稱之奕天性孝友送死恤孤恩意備至通籀隸書所著有毛詩說論語尙書周禮講義奏議襍文行世陳居仁字安行興化軍人父太府少卿膏娶明州汪氏女因家焉膏初爲汾州教授佐守臣張克戢捍金人後知惠州單馬造曾衮壘譬曉降之鄞僧王法恩謀逆事覺或請屠城膏方爲御史力論

多殺非聖世事脅從者悉寬宥之居仁年十四而孤以廕授鉛山尉紹興二十一年舉進士秦檜與膏有故有勸以一見可得美官居仁曰是有命焉終不自通移永豐令人監行在點檢贍軍激賞酒庫所糴場詔修高宗聖政妙選寮屬與范成大竝充檢討官淮甸交兵魏杞以宗正少卿使金辟居仁幕下時和戰未決金兵駐淮北人情恟懼突騎大至彎弓夾道居仁上馬猶從容舉酒屬杞天寒且醕此觴觀者壯之乃諭金人開道入卒成禮減歲幣而還因出彊賞轉承議郎授諸王宮大小學教授杞秉國柄居仁忍貧需遠次未嘗求進虞允文欲引以爲用不就允文欲與論兵謝不能退而貽書謂有定力乃可立事若徒爲大言終必無成事成亦旋敗允文爲之色動徙主軍器監簿宗正修玉牒轉對言立國須定規模陛下非無可致之資而規模未立孝宗初頗不擇曰朕未

嘗不立規模居仁奏陛下銳意恢復繼乃通和和戰守三者迄今未定孰爲規模耶允文曰此正前日定力之論某今益知此言之當也遷將作監丞轉國子丞九年進祕書丞入對論文武竝用長久之術陛下獎進武臣深得持平救偏之道然未必得智謀勇略之士或多便佞輕躁之徒將復有偏勝之患帝嘉納權禮部郎官嘗言臺閣宜多用明習典故之士帝問其人居仁以李燾莫濟對甫數日召燾居仁力請外乃知徽州帝令陸離慰諭遣之至郡告以天子節經費以惠儉瘠不能推廣聖德吏則有罪乃招三衙軍植立表于庭有輸納中度而遭抑退者抱所輸立表下親視之人無畱滯吏不能措手輸稅者恆裹贏以歸鄰州有訟多詣臺省乞決於居仁秩滿邦人挽留由間道始得去入對帝舉新安之政獎之請編類隆興以來寬恤詔令有曰法久則易玩事久則易怠惟

申加戒飭有以儆其觀聽則千萬年猶一日帝曰名言也又言歸
正忠順過於優渥而遇戰士反輕此曹出萬死策勲今老矣添差
已罷廩稍半給至勾于市軍士解體乞加優恤以終始念功之意
堅後生圖報之心帝覽之嘉歎會駕大閱白石卽命再添差兩任
衣糧全給三軍爲之呼舞雷爲戶部右曹卽官命未下朝方推會
要賞帝曰陳居仁治行爲天下第一可因是并賞之特轉朝議大
夫兼權度支又兼權禮部會樞屬闕員方進擬帝曰豈有人才如
陳居仁而可久爲郎乎卽授樞密院檢詳文字尋爲右司遷左司
又遷檢正中書門下省諸房公事歷兼左藏諸庫居仁親視案牘
嘗謂有罪幸免則寃者何告誣枉者七人皆當敘復執政難之居
仁退疏其寃狀上之帝曰居仁精審尙復何疑詔以早求言居仁
乞命公卿務行寬大御史京鎧極論從窄之敝此風未革假吏部
尙書使金還遷起居郎尋兼詳定一司敕令兼權中書舍人泛恩
濫賞封繳無所避因言恩惠不及小民名爲寬逋負實以惠頑民
耳名爲赦有罪實以惠姦民耳願盡放天下五等戶身丁四等戶
一半從之安定王子彤乞封妾爲夫人居仁繳奏帝喜迎謂有補
風教又論君人之道貴在執要今陛下親細故而忽遠猷事末節
而忘大體願舉綱要以御臣下省思慮以頤精神詰旦令清中書
之務權直學士院帝曰內外制向委數人今陳居仁一人當之不
見其難乞詔大臣博議絕浮費汰冗兵計當省之數定蠲除之目
此富民之要術也以集英殿修撰知鄂州築長隄并江新安樂寮
以養貧病之民撥閒田歸之進煥章閣待制移建寧府歲饑出儲
粟平其價弛逋負以巨萬計代輸畸零繭稅有因告糴殺人者會
赦免居仁曰此亂民也釋之將覆出爲惡遂誅之觀察推官柳某

死貧不克歸。二子行丐于道，聞而憐之，予之衣食，買田以養之。擇師以教之。鎮江大旱，又移居仁，守鎮江，請以緡錢十四萬給兵食，不報。爲書以義撼丞相，然後許發。時密往覘之，間遣糴運於荆楚。商人商人曰：是陳待制耶？爭以粟就糴。居仁區畫有方，所存活數萬計。因饑民治古海鮮界港爲石礎丹徒境上蓄泄以時以通漕。運治江陰，姦僧加寶文閣待制，知福州，入境有饑民，嘯聚部分，逐兵遮擊之首惡，計窮自經死。治宗室之暴橫，申蠱毒之舊禁，有召命求間者，再進華文閣直學士，提舉太平興國宮，卒贈金紫光祿大夫，居仁風度凝遠，處已應物，壹以誠信臨事，毅然有守，所至號稱循吏，皆立祠祀之。有奏議制藁詩文行世。子卓。

卓字立道，紹熙元年進士。其後知江州，移監國府，丞相以故欲見之，卓謝不往。丞相益器之，李全叛，禡其爵，詔書至淮，人益自勵。太

廟災降罪，已詔京師，感動皆卓所草也。爲簽書樞密院事，未幾，匈奴遷里平生不營產業，以贊書所酬金築世綸堂，閒居十有六年。卒年八十有六，將葬，事不能具，丞相吳潛聞之，貽書制置使以助其孫定孫力，請諡于朝，迺諡清敏。

劉漢弼字正甫，上虞人。生二歲而孤，母謝氏撫而教之。嘉定九年，舉進士，授吉州教授。歷江西安撫司幹官，監南嶽廟，浙西提舉茶鹽司幹官，召試館職，改祕書省正字。序遷祕書郎兼沂王府教授，改著作佐郎兼史館校勘權考功員外郎，升著作郎知嘉興府兼兵部員外郎，改兼考功尋爲考功員外郎兼崇政殿說書編修國史檢討實錄，擢監察御史出知溫州，尋擢太常少卿，以左司諫召擢侍御史兼侍講，以戶部侍郎致仕。漢弼學明義利之辨，爲正字時，應詔言事，極論致菑弭菑之道，爲校書郎，轉對舉蘇軾所言結

人心厚風俗存紀綱又論制閫當復其舊戎司當各還其所邊郡守當用武臣又論決和戰以定國論合江淮以壹帥權公賞罰以勵人心廣規撫以用人才爲著作佐郎言兵財楮幣權不可分又言取士之法詞學不當去宏博字混補不如復待補之便爲著作爲考功員外所陳皆切於時務及爲言官帝獎諭曰以卿純實不欺故此親擢宜悉心以告漢弼以臺綱久弛疏三事曰定規撫正體統遠謀慮首論給事中錢相巧於迎合睥睨政地直學士院吳愈不稱其職罷去之又劾中書舍人濮斗南左正言葉賁疏畱中不出賁松陽人爲時相史嵩之腹心有使賁互按者明日賁有它命而漢弼由是去國嵩之久擅國柄帝益忠苦之旣復以左司諫召首贊帝分別邪正以息眾疑奏疏論立聖心正君道謹事機伸士氣收人才五事帝嘉其言併付外行之及爲侍御史密奏曰自

古未有一日無宰相之朝今虛相位已三月尚可狐疑而不斷乎願奮發英斷拔去陰邪庶可轉危而安否則是非不兩立邪正不並進陛下雖欲收召善類不可得矣臣聞富弼之起復止於五請蔣芾之起復止於三請今嵩之旣六請矣願聽其終喪亟選賢臣早定相位帝覽納遂決乃命范鍾杜範竝相百官舉笏相慶漢弼之力爲多又累章言金淵鄭起潛陳一薦謝達韓祥濮斗南王德明皆疇昔託身私門爲之腹心盤據要路公論之所切齒者至論馬光祖奪情總賦淮東乃嵩之預爲引例之地乞勒令追服終喪以補名教帝嘗屬漢弼以進人才退而條具以奏皆時望所歸重漢弼以受知特異而姦邪未盡屏汰論議未能堅定爲慮遂感末疾居亾何遂卒特贈四官未幾賜官田五百畝楮五千緡給其家謚曰忠漢弼之沒也太學生蔡德潤等百七十有三人伏闕上書

以爲暴卒而程公許著漢弼墓銘亦與徐元杰竝言其旨微矣
論曰唐張九齡姜公輔宋余靖皆出於嶺嶠之南而爲名世公卿
造物者曷嘗擇地而生賢哉先王立賢無方蓋爲是也番禺崔與
之晚出屹然大臣之風卒與三子者方駕齊驅洪咨夔許奕直道
正言於理宗在位之日陳居仁見稱循吏親結主知劉漢弼抱忠
以死哀哉

庚申二月二十七日校

